

公羊義疏

皇清經解續編卷千二百三十

南菁書院

公羊義疏四十二

句容陳立卓人著

文十二年
盡十三年

十有二年春王正月盛伯來奔

盛伯者何失地之君也

疏而通義云時先盛伯卒嗣子立踰年而彼篡以其邑夫鍾卿却來奔故

曰失地之君也按孔氏牽涉左傳為說非何氏義果如左氏所記則太子不得守國當絕又據地奔魯魯當坐受邑盛伯當坐竊邑也何以經無貶文何以不名兄弟辭也注與郕子同義月者前

為魯所滅今來見歸尤當加意厚遇之

疏

注與郕子同義。信二十年云郕子

來朝是也彼傳云郕子者何失地之君也何以不名兄弟辭也彼注云郕魯之同姓故不忍言其絕機明當尊遇之異於穀邠也書者喜內見歸則此書來奔皆與郕子同當亦為喜內見歸也繁露觀德云盛伯郕子俱當絕而獨不名為其與我同姓兄弟也信二十四年左傳管蔡邠霍云云文之昭也盛邠郕也通義云兄弟辭者為其來奔明當以恩禮接之是

也彼又云若其出奔他國雖兄弟之君亦名衛侯衍出奔齊是也此不獨與何異且與傳違傳明云失地之君而以衛侯衍爲比可謂疑不於倫矣桓七年穀伯綏來朝鄆侯吾離來朝傳皆何以名失地之君也注不據爲難何以不名者以割子注已明故此不復言從省也○注月者至遇之○校勘記出尤云鄆本同閭監毛本尤誤猶前爲魯所滅者莊八年夏師及齊師圍成降于齊師傳成者何盛也盛則易爲謂之成諱滅同姓也是也言盛爲魯齊所共滅今又來奔尤當厚遇故書月見其與穀伯鄆侯却子皆書時異也按齊魯共伐盛盛降于齊則盛爲齊所滅蓋時猶如紀季屬爲附庸今復見滅來奔故書爵也杜云稱爵見公以諸侯禮迎之彼以盛伯爲太子故如此釋與此注加意厚遇之義似同而不同也杞伯來朝

二月庚子子叔姬卒注卒者許嫁疏包氏慎言云二月書庚子

嫁○舊疏云舊本皆無此注且理亦不須疑衍字按無者是也何氏於經有傳者皆不注經且傳明云許嫁矣注豈非贅設故僖九年伯姬卒亦無注也

此未適人何以卒許嫁矣婦人許嫁字而笄之死則以成人

之喪治之疏

伯姬卒傳同詳見彼穀梁傳曰其一傳曰許嫁

以卒之也男子二十而冠冠而列丈夫三十而娶女子十五

而許嫁二十而嫁顧氏棟高子叔姬卒論云左氏謂叔姬已

嫁于杞被出而見絕以經文不繫杞而言絕也又因上有杞

伯來朝與子叔姬卒相連憑空生出請絕叔姬而無絕昏遂

以此叔姬爲杞所絕之女而以成五年杞伯姬來歸八年杞

伯姬卒爲杞之所請繼續爲昏者揆之情事可謂大謬據今

士庶人家無絕一女而更請一女之理杞何敢然魯亦安肯

許既如其意以次女續昏矣二十餘年又復見絕杞何不道

乃爾五年來歸八年卒于母家九年請于杞而後來逆喪姊

姊二人前後俱爲杞所棄杞何强暴魯何屏弱至此皆情

理之必無者且既請絕叔姬則叔姬非復夫人可不爲之服

矣經又何以書其卒乎當以公穀許嫁之說爲是許嫁不知

何國與僖九年伯姬一例李氏廉更爲之說曰已許嫁于杞

杞伯來朝請絕而求其次大叔姬方在母家杞又何從摘其

短而預先請絕昏乎此皆以上下兩事牽合之病也杞伯自

來朝魯叔姬自卒兩事本自風馬牛者作兩事自無此病若

啖氏助劉氏啟呂氏大主謂此傳當在成公八年而誤置於

此亦覺費手春秋一經杞伯來朝多矣豈必皆有所爲左傳

謬說極多豈能必求其可通與其信傳而易置經文何如刪

傳而使經文仍舊之爲得乎按顧說是也既出則非諸侯夫

公自集卷四十二

人當入諸侯絕期內無為為之服宣其稱子何注據伯姬卒

十六年鄭伯姬來歸不見其卒是也亦許嫁不稱子疏注據伯至稱子。即僖九年貴也其貴奈

何母弟也注不稱母妹而繫先君言子者遠別也禮男子不

絕婦人之手婦人不絕男子之手疏注不稱至別也。穀梁

之母姊妹也注同母姊妹通義云謹按殷人字積干仲周人

字積干叔故文公之篇有子叔姬二而皆為同母姊妹也詩

曰齊侯之子東宮之妹明君之母妹貴有殊矣啖趙以稱子

者為公之女子子此似是而實非文公以四年娶而十二年

女已及笄宣公以元年娶而五年女已適人其可得通乎按

殷道親親故母弟母妹皆特異春秋從殷質故也。注禮男

至之手。下男子毛本子誤人既及記喪大記皆有此文喪

義喪大記絕作死

夏楚人圍巢疏

杜云巢吳楚之間小國廬江六縣東有居巢城

巢城為巢國地水經注沔水篇又東北出居巢縣南古巢國

也湯伐桀桀奔南巢即巢澤也尚書周有巢伯來朝春秋文

十二年楚人圍巢巢羣舒國也一統志
居巢故城在廬州府巢縣東北五里

秋滕子來朝

秦伯使遂來聘

疏左氏穀梁遂作術古遂術同部字禮記月令

術當為遂聲之誤也周禮萬二千五百家為遂故水經注引
學記術有序作遂有序管子度地篇故百家為里二十為術
術音遂也毛詩疏引鄭志張逸問傳曰山川能說何謂也答
曰兩詩或言說說者說其形也或曰述述者述其故事也述
讀如遂事不諫之遂漢書五行志中之上秦伯使遂來聘正
用公羊傳文師古曰即左氏所謂西乞術也通義云即西乞
術也左氏曰術此曰遂古今字耳舊疏云左穀皆作術字經
亦有作術字者疑遂字誤按舊疏非是遂正字術借字古名
字相配秦西術字乞見僖三十三年左傳乞讀為乞乞終也
竟也逸周書太子晉篇孔注遂終也廣雅遂竟也是遂與乞
義乃相比舊疏何
反以遂為誤也

遂者何秦大夫也秦無大夫此何以書賢繆公也

疏荀子大

秋賢繆公與

何賢乎繆公注据聘不足與大夫荆人來聘是

也

疏注據聘至是也○見莊二十三年彼傳云荆何以稱人

修聘禮受正朔者當進之故使稱人也稱人當繫國而繫荆

者許夷狄者不一而足蓋其不逮稱大夫亦是不壹而足之

義以為能變也

疏荀子大略云易曰復自道何其咎春秋賢

視孟明視等使將兵伐晉渡河焚舟大敗晉人取王官及郤

以報穀之役晉人皆城守不敢出於是繆公自茅津渡河封

穀中尸為發喪哭之三日乃誓于軍中曰嗟士卒無譁余誓

告汝古之人謀黃髮番番則無所過以申思不用楚叔百里

侯之謀故作此誓令後世以記余過據左傳則此事在文三

年書序云秦穆公伐鄭晉襄公帥師敗諸崤還歸作秦誓則

作在敗穀以後按以左氏事證之似當作於三帥還歸嚮師

而哭之時悔信杞子之言不用百里等之諫故有黃髮良士

之思截截謫言之悔也其實敗穀而後二年戰彭衙三年伐

晉七年戰令狐十年伐晉曷嘗真能悔過聖人因其有悔過

之心一載之書一賢於春秋無非假以張義欲人之知變爾

論語曰過而不改是謂過矣聖人挾世之心也通義云此秦

伯康公也賢繆公而於康公與使有大夫者至此始能修禮

來聘因其可與而與之又以明善善及子孫也按下十八年

秦伯薨卒注秦穆公也則何氏不以此為康公事孔氏其為

所云非何義孔氏往往牽涉左氏說公羊此類是也

能變奈何惟譏善崢言注譏譏淺薄之貌崢猶撰也疏此

皆秦誓語引以證繆公能變之事○注譏譏淺薄之貌○惠

氏棟公羊古義云此述秦誓之辭而字多異然反覆按之與

尙書無大抵悟蓋今古文之殊耳說文引書曰堯堯巧言李

尋傳云昔秦穆公說譏之言任伋伋之勇王逸楚辭章句

引書云譏譏靖言靖與崢同釋文尙書作載載淺薄貌也賈

逵注外傳云巧言也按譏堯同韻截亦同部得通書釋文引

馬注辭語截削省要也與淺薄亦近惟此以貌言諸家或就

辭言耳說文言部譏善言也段氏注云古文秦誓截截善言

言調字下引之今文秦誓堯堯戈部堯字下引之釋云巧言

也公羊傳劉向九歎李尋傳皆作譏譏王逸注楚辭引尙書

作譏譏靖言皆今文尙書也諸家作譏譏許作堯者同一今

文而有異本如同一古文而馬作偏許作編不同也按許以

譏爲善言或別一義不必牽以說書與此傳○注崢猶撰也

○釋文崢本或作編皮勉反又必淺反本作譏七全反又仕

勉反公羊問答云此如論語異乎三子者之僕鄭注僕讀曰

詮詮云言善也祭統論譏其先祖之美疏言子孫爲銘論說

撰錄其先祖道德善事按撰通作譏又作僕卽其證讀書叢

錄云崢古通作靖字爾雅釋詁崢治也治與撰義相近尙書

秦誓惟截截善言說文調便巧言也从言扁聲周書曰截

截善言又引周書堯堯巧言皆非公羊義釋文本或作編

公羊義疏四十二

是後人依尙書改之段氏諱字下注云堯下既引堯矣而諱
下又云善言者此又用王逸所據諱諱靖言之本也善言釋
靖言何曰靖猶撰也撰同譔譔言善言也廣雅釋訓譔善
也賈逵外傳注譔巧言也韋昭注巧辨之言然則此善言
者謂善爲言辭者不同話下之善言也按靖靖同部字撰譔
皆从巽得聲與編亦同部古耕青間有與眞臻等部通撰易
故書作譔此作堯義皆相近作撰者巧言之人惡空結撰易
以動人如杞子使人告諸秦曰潛師以來國可得也等詞是
也巧言者無不淺薄俾君子易忘注俾使也易忘猶輕情也
故以譔譔狀其貌

疏注俾使也○詩邶風綠衣云俾無訖兮傳俾使也又日月
云俾也可忘箋云俾使也說文人部俾益也一日俾門侍
人故引申之爲使義○注易忘猶輕情也○九經古義云書
忘作辭猶文辭作辭从台史記三王世家齊王策云俾君子
忘與公羊傳合此以輕詁易以情詁忘也襄四年左傳貴貨
易上注易猶輕也晉語注同禮記樂記云易慢之心人之矣
注易輕易也又祭義云而慢易之心人之矣易忘猶慢易也
故檀弓云吉事雖止不怠少儀怠則張而相之注並云怠情
也段氏玉裁尙書撰異云易讀如素問解仇之仇舊疏云言
使此君子易爲輕情非是何意謂譔譔諍言之人能使君子
輕情也秦繆一聞杞子之言卽輕師而況乎我多有之疏書
遠襲是其故也輕情釋文作輕隋

作皇公羊古義云依字當作兄兄滋也無逸云無皇曰又曰則皇自敬德漢石經無逸皆作兄詩桑柔倉兄填兮召旻職兄斯引義皆作況通義云書云我皇多有之此以況訓皇穆天子黃竹之詩嗟我公侯百辟豕卿皇我萬民甫刑大傳曰有其語也無不聽者皇於聽獄乎鄭司農注皇猶況也故無逸則皇自敬德王肅本作況而熹平石經又作兄大雅倉兄其義亦猶倉皇況之為兄古文也皇之言況古訓也段氏王裁尚書撰異云書大傳皇於折獄乎此段皇為別況字也公羊傳而況乎我多有之此段況為皇暇字也皇與況互相假借而況乎我多有之猶言而何暇我多有之也孔傳皇訓大非按段說非是此言而況乎我多有之即以此況為別況字謂此議諫諍言之人實足使君子輕情別況我多有之我對君子也君子尚為所惑而況乎我多有之者謂杞子逢孫也樊毅碑況作兄管子書皆以兄為況漢尹翁歸字子逢孫也樊為況故況兄皇皆惟一介斷斷焉疏九經古義云焉與夷同通唐石經況字缺惟一介斷斷焉疏見周禮行夫注夷聲近猗故尚書作猗說文斤部斷斷截也从斤獨獨古文絕又曰郎古文斷从卓卓古文婁字周書曰郎留猗無他技猗大學作兮焉焉猗皆語辭按斷从婁故何氏以無他技注一介猶專一釋斷斷枝勘記云唐石經諸本同

一槩斷斷猶專一也他技奇巧異端也孔子曰攻乎異端斯

害也已

疏釋文他作佗技古義云技與伎同尙書或作技○
注一介猶一槩○釋文一介古拜反尙書音古貨

反則陸氏所見尙書作一个與大學同校勘記引惠棟云古

無个字作一介爲是漢書孔光傳援納斷斷之介注介謂一

介之人正用周書語介槩疊韻爲訓按禮記釋文个古賀反

一讀作介音界昭四年左傳使寅饋于个而退文選運命論

注作寅饋于介而退御覽引周書明堂位左爲左介右爲右

介卽月令之左个右个也左傳稱一介行李是偏副之美杜

注昭四年云个東西廂亦偏室之義也蓋古以一个作一枚

解者止作箇何訓一槩亦不作一个解馬書本作界云一介

耿介一心端慤者何當與同○注斷斷猶專一也○禮記大

學注斷斷誠一之貌也後漢書卓茂傳斷斷專一也漢書孔

光傳斷斷專一之貌並與何同專一卽鄭氏之誠一也史記

魯世家云斷斷如也索隱斷斷是專一之義廣雅釋訓斷誠

也○注他技至端也○釋文奇其宜反本又作琦同鬼谷子

捭闔篇校其技巧短長注技巧謂百工之役禮記大學無他

技注他技異端之技也莊子在宥云是相于技也注技不端

也不端卽異端也秦誓釋文技木又作伎法言問道篇或問

道曰道者通也無不通也或曰可以適他則曰適堯舜文王

者爲正道非堯舜文王者爲他道君子正而不他塗雖曲而

通諸夏則由諸川雖回而通諸海則由諸宋咸注他異端也

諸子異端若能自通於聖人之道亦可也皇侃論語疏以異

端爲諸子百家之書謂與聖經大道異者也按何以異端連
奇巧言則不必如皇說猶孟子言小有才者爾未聞君子之
大道也孔氏廣森經學厄言云那疏異端諸子百家之言非
也楊墨之屬行於戰國春秋時未有攻之者也戴東原說端
頭也凡事有兩頭謂之異端言業精於專兼攻兩頭則爲害
耳愚按相如封禪文然無異端大學他技注異端之技也孟
子王之所大欲注復問此五者欲以致王所欲故發異端以
問古人凡用異端者皆如此解任昉王文憲集序攻乎異端
歸之正義亦謂博學反約之意按孔氏此解尤與何氏說斷
斷爲專一者相發明○注孔子至也已○見論語爲政篇何
氏集解善道有統故殊途而同歸異端不同歸也意亦指楊
墨等說後漢書尙書令韓歆上疏欲立贊氏易左氏春秋范
升以爲費左二學無有本師而多反異孔氏曰攻乎異端其
斯害也已此以古文家無師傳爲異端也皆與何氏異其
心休休注休休美大貌疏注休休美大貌○爾雅釋詁云休
鄭注休美也鄭注書云休休寬容貌貌能有容注能含容賢者
又書疏引王肅云休休好善之貌

逆耳之言

疏

公羊古義云尙書曰如有容古如字作而而讀

卿也卿當作如如其意也按能猶而詩衛風芄蘭能不我知
謂而不我知也崔駰大理箴或有忠能被害或有孝而見殘

是能與而同而猶如也易明夷傳用晦而明虞注而如也詩
小雅都人士云垂帶而厲箋云而厲如繫厲也是輾轉相通
尚書禮記之如有容即此之能有容也○注能含至之言○
此爲穆公悔不聽蹇叔等言而作誓故注以能容爲容逆耳
之言孔傳謂樂善其如是則是難也注是難行也秦穆公自
能有所容雖通而義未切

傷前不能用百里子蹇叔子之言感而自變悔遂霸西戎故
因其能聘中國善而與之使有大夫子貢曰君子之過也如

日月之食焉過也人皆見之更也人皆仰之此之謂也疏注

行也○言休休有容不易行也此穆公能悔而悟方知其難
○注秦穆至西戎○史記秦本紀云乃誓於軍曰嗟士卒聽
無譁余誓告汝古之人謀黃髮番番則無所過以申恩不用
蹇叔百里侯之謀故作此誓今後世以記余過三十七年秦
用山余謀伐戎王益國十二開地千里遂霸西戎天子使召
公過賀穆公以金鼓是其悔過霸西戎事也新序五云故書
曰黃髮之言則無所愆詩曰謀習與試美用老人之言以安
國也說苑尊賢云秦穆公用百里子蹇叔子王子廖父及由
余據有雍州懷哉西戎漢書淮陽憲王欽傳春秋之義大能
變改易曰藉用白茅无咎言臣子之道改過自新絜己以承

上然後免於咎也李尋傳昔秦穆公說護諫之言任乞乞之
勇身受大辱祖稷幾亡悔過自責思惟黃髮任用百里奚卒
霸西域德列王道二者禍福如此可不慎哉息夫躬傳昔秦
繆公不從百里奚蹇叔子之言自敗其師悔過自責疾詐誤
之臣思黃髮之言後遂以霸○注故因至大夫○所謂因其
可與而與之也按秦見春秋始僖十五年戰于韓書尚見偏
戰獲人君當坐絕中國也而未能用則禮損之不足貴之數
再稱秦師於僖二十八年為其從伯者懷楚書師以錄功嗣
殺至上十年皆狄之書秦上九年來歸僖始與魯為禮又兼
之非禮故於此年來聘修好尊王無可議譏故特書伯善而
與之也○注子貢至謂
也○見論語子張篇

冬十有二月戊午晉人秦人戰于河曲疏

包氏慎言云十二月

云河曲在河東蒲坂縣南大事表云今蒲州府治永濟縣東
南五里有蒲坂故城又云水經云河水南至華陰潼關渭水
自西來會之蓋河水自此折而東故謂之河曲即蒲坂也今
蒲坂故城在永濟東南又云河西在今陝西同州府及華州
之境秦初起岐雍未能以河為界晉強遂跨河西而滅西虢
兼舊鄭以汾澮為河東故以華陰為河西自夷吾請割河外
列城外東盡虢略河外即河之西虢略故虢國地即今閿鄉
靈寶在河之東背約不與戰韓見獲僖十五年十一月秦歸

晉侯始征晉河東而河外五城不必言矣十七年晉太子圉
爲質于秦秦復歸河東而河西五城終爲秦有自是秦地東
至河秦在河西晉在河東判然兩戒矣方輿紀要河西經同
州朝邑縣東又南經華陰縣東北東岸爲蒲州城西又南經
雷首山西乃折而東其地謂之河曲服虔曰河曲晉地見史
記注續漢志河東郡蒲坂有雷首山劉昭注伯夷叔齊餓於
首陽山馬融曰在蒲坂華陰之北河曲之中是河曲在蒲坂
矣江氏永曰河南流至華陽曲而東流在今蒲州府永濟縣
境

此偏戰也何以言師敗績敵也疏

與上七年晉人及秦人戰于令狐傳同注云俱無勝

負通義云左氏所謂交綏是也先晉人者此亦秦伐晉見晉
爲主也不言及者秦晉之爭亟矣是役以後乃少甯居將於
是總校其功罪以晉及秦則觸晉未有罪以秦及晉則觸秦
秦征之故變文以見二國均罪焉爾董仲舒曰秦穆侮蹇叔
而大敗鄭文輕敵而喪師春秋之敬賢重民如是是故戰攻
侵伐雖數百起必一二書傷其所害重也問曰其書戰伐甚
謹其惡戰伐無辭何也曰會同之事大者主小戰伐之事後
者主先苟不惡何爲使起之者居下是其惡戰伐之辭已且
春秋之法凶年不修舊意在無苦民爾苦民尙惡之況傷民
乎傷民尙痛之況殺民乎考意而觀指則春秋之所惡者不

任德而任力驅民而殘賊之世其所好者設而勿用仁義以服之也詩曰弛其文德洽此四國此春秋之所善也夫德不足以及觀近文不足以來遠不辭斷以戰伐爲之者此爲以同春秋之所甚疾已皆非義也此見繁露竹林篇

水地注以水地者謂以水曲折起地遠近所在也据戰于泓

不言曲疏注据戰至言曲。河曲疏矣河千里而一曲也注見僖二十二年

河曲流以据地明故可以曲地因以起二國之君數興兵相

伐戰無已時故不言及不別曲直而地以河曲明兩曲也疏

校勘記云唐石經諸本同爾雅釋水百里一小曲千里一曲

以疏爲流引公羊傳曰河曲流河千里一曲一直也疏云此注

何本作疏不作流也又云按此是流字郭氏所據公羊不與何本同

譌字耳邢昺所據已譌按校勘語是也注疏均不爲疏字爲

解知當是流謂河至此而曲流也公羊問答云河千里而一

曲何所據曰此見之於河圖緯象河流九曲河導崑崙山一

曲也東流千里至規其山二曲也北河千里至積石山三曲

也千里入隴首抵龍門四曲也南流千里至龍首至卷重山

五曲也東流貫砥柱觸閼流山六曲也東流至洛會七曲也

季孫行父帥師城諸及運注書帥師者刺魯微弱臣下不可使

東至大伾八曲也北至澤水千里至大陸九曲也按爾雅釋水云河百里一小曲千里一曲一水陰節每一曲一直釋文引李巡云水勢小曲乃大直也故曰小曲水陰節每一曲一直釋文引李巡云水勢小千里一曲一直漢志太原郡陽曲應劭曰河千里一曲當其陽故曰陽曲然陽曲去河曲遠當如杜以爲在蒲坂縣南者是○注河曲至曲也○校勘記出曲流云開監毛本同鄧本流作疏按作疏者誤通義云舉河曲者猶言濟西河陽皆大之詞也師之所處荆棘生焉大軍之後必有凶年況乃干戈相尋緇十三載故雖戰不出頃而舉疏者地之用是見伏尸流血千里之內舉遭離之噫一國之罪均矣穀梁傳曰不言及秦晉之戰已亟故略之也注夫戰必有曲直以一人主之二國戰闕數曲直不可得詳故略之不言晉人及秦人戰俞氏懋云按爾雅釋水注引此文作河曲流河千里一曲一直也阮氏因謂疏字誤其實非也此二句正答上文曷爲以水地之問蓋謂河曲疏闕千里而始一曲非十里百里間所在皆有者故得舉以目其地也若作流字於義全失矣郭璞所引以意增改非公羊原文解詁曰河曲疏句以據地明句故可以曲地句其說甚爲明了而疏字各本均誤作流於是傳義愈晦矣校勘記曰鄧本流作疏當據以訂正郝氏懿行爾雅義疏謂郭注兼引解詁文則亦爲誤本所惑耳

邑久不修不敢徒行興師厲眾然後敢城之言及者別君邑

臣邑也

疏

釋文運二傳作鄆後皆爾按運鄆皆從軍聲通此作運者段借字也杜云鄆莒魯所爭者城陽姑幕

縣南有員亭員即鄆也彼釋文云本又作鄆音同廣韻二十三問鄆邑名又州名魯太昊之後風姓禹貢兗州之域即魯之附庸須句國也秦爲薛郡地漢爲東平國武帝爲大河郡隋爲鄆州按魯有東西鄆在東平州者西鄆也水經注瓠子河篇瓠河又東逕鄆城縣南春秋左傳成公十六年公自沙隨還待于鄆京相璠曰公羊作運字今東郡廩丘縣東八十里有故運城卽此城也按成四年城運昭二十六年公至自會居于運二十五年齊侯取運二十七年兩書公至自齊居于運元十九年公至自乾侯居于運又運潰定六年季孫斯仲孫忌圍運十年齊人歸運田皆是此年所城爲東運水經注沂水篇沂水又東南逕東莞縣故城西與小沂水合孟康曰邑故鄆邑左氏傳莒魯爭鄆爲日久矣今城北鄆亭是也京相璠曰琅邪姑幕邑南四十里員亭故魯鄆邑世變其字非也郡國志東莞有鄆亭今在團城東北四十里齊乘郡邑篇沂水縣本莒魯所爭之鄆邑十三州記曰魯昭公所居爲西鄆在東平莒魯所爭爲東鄆在此大事表云在今沂州府沂水縣治東北四十里京相璠曰琅邪姑幕縣南員亭地理志東莞下云術水南至下邳入泗孟康曰故鄆邑今鄆亭是

也齊氏召南云魯地名鄆者有二此年季孫所城東鄆也與
莒分界今沂水縣北之團城是成四年所城鄆以備晉及昭
公所居此西鄆也今鄆城縣東有故城按此及成九年楚人
入運襄十二年季孫宿帥師救台遂入鄆昭元年取運皆在
沂水者蓋是時屬魯故季孫城之不知何年入于莒直至昭
元年取之復屬魯也地理志琅邪郡諸下云師古曰春秋城
諸及鄆者山東通志諸邑在青州府諸城縣西南三十里石
屋山東北濰河之南鄆亭城在沂水縣東北四十里○注書
帥至城之○校勘記出書帥師云鄆本同此本疏標起訖亦
作書帥至城之此本及閩本書誤帥今訂正監毛本改言帥
師者非舊疏云如此注者正見隱七年城中丘之屬皆不言
帥師故也按臣下不可使者即上八年公孫敖如京師不至
復丙戌奔莒傳云不至復者不可使往也是也蓋臣下不可
使微弱特甚故穀梁傳曰稱帥師言有難也○莊二十九年
爭因畏莒故不敢徒行與○注言及至邑也○莊二十九年
城諸及防注諸君邑防臣邑言及別君臣之義君臣之義正
則天下定矣又昭五年莒牟夷以牟婁及防茲來奔傳云不
以私邑累公邑也注公邑君邑私邑臣邑也累次也義不可
使臣邑與公邑相次序
故言及以絕之是也

十有三年春王正月

夏五月壬午陳侯朔卒注不書葬者盈為晉文諱也晉文雖弱

盟會人孤以尊天子自補有餘故復盈為諱疏包氏慎言云

月之二日○注不書至為諱○校勘記出會人孤云鄆本會

字上有彊字此脫按僖二十八年注云陳有大喪而彊會其

孤有彊字是也舊疏云盈者相接是之辭晉文於僖二十八

年之時此朔之父陳侯款夏六月卒至冬未葬而晉文會諸

侯于溫經有陳子是強會人孤令失子行亦是文公恥之是

以春秋遂卒竟不書款葬深為晉文諱也今若款子朔書葬

則文公之惡還見是以以此處須去朔葬使若陳國之君例不

書葬然故言盈為晉文諱按文公恥之者彼注云不書葬者

為晉文諱行霸不務教人以孝陳有大喪而強會其孤故

深為恥之是也通義云不言葬陳共公者與慈父同義

邾婁子遽條卒疏

左氏作遽條按說文艸部遽遽麥也又薛黃

條也遽條作一物解知邾婁子名當作遽條桓六年左傳所

云取於物為假是也通義云邾婁文公也前用鄆子于社失

德重卒當貶去

自正月不雨至于秋七月注

公子遂所致疏校勘記出至秋七

皇青經解賣扁

公羊義疏四十二

皆作至于秋此脫。注公子遂所致。五行志中之上十三
年自正月不雨至于秋七月先是曹伯杞伯滕子來朝邲伯
來奔秦伯使遂來聘季孫行父城諸及鄆二年之間五國趨
之內城二邑炕陽失眾一曰不雨而五穀皆熟異也文公時
大夫始顧盟會公孫敖會晉侯又會諸侯于垂隤故不雨而
生者陰不出氣而私自行以象施不由上出臣下作福而私
自成一曰不雨近常陰之罰君弱也按施不由上出
及君弱諸義皆同惟何氏專以爲公子遂之應爾

世室屋壞疏

賈逵服虔等皆以爲太廟之上屋禮說曰清廟之

制如明堂明堂五室故清廟五寢中央曰大室亦曰大寢大
室屋壞者室中重屋明堂位所謂復廟重檐天子之廟室洛
誥王入大室裸是也孔穎達曰左傳不辨此是何公之廟而
經謂之大室則此室之最大者故知是周公之廟非魯公也
明堂位曰魯公之廟文世室也武公之廟武世室也世室非
一君不宜專屬伯禽陳按公羊皆以世爲大如衛太叔儀爲
世叔儀宋樂大心爲樂世心又推而廣之如鄭大夫子大叔
論語作世叔天子之子稱大子春秋傳云會世子于首止諸
侯之子稱世子而晉有大子申生鄭有大子華春秋經齊世
子光左傳云大子光明世與大同義世室猶大室也原注樊
穀復華下民租田口算碑云魯不修大室春秋作譏又樊穀
修華岳廟碑云世室不修春秋作譏二碑同時所立或作世

二昭二穆與太祖之廟而五魯以周公爲太祖而伯禽爲始
封之君亦不容毀故別爲世室魯多殷禮是亦法殷人六廟
之意也孔疏引明堂位云魯公之廟文世室也武公之廟武
世室也不毀則稱世室世室非一君廟名若是伯禽之廟則
宜舉其號諡按魯雖有二世室武世室係魯之僭禮蓋世室
本伯禽廟本稱後有武公其子孫因卽留與伯禽世室對舉
魯人誇張以象文武二祧不可羣公稱宮注少差異其下者
爲典要也且明堂位亦多誕辭羣公稱宮注少差異其下者
所以上尊周公疏舊疏云卽武宮煬宮之屬是也穀梁傳亦
宮然則其實一也蓋尊伯禽而異其名○注少差至周公○
校勘記出上尊云鄂本同閩監毛本上作尙按尙上通舊疏
云廟者尊卑達名鬼神所居之稱此魯公之廟也曷爲謂之
今此稱異其名知上尊周公故也此魯公之廟也曷爲謂之
世室世室猶世室也世世不毀也注魯公始封之君故不毀
也疏禮記明堂位注世室者不毀之名也按周禮考工記夏
世室牲用白牡此用天子之禮然則周公太廟疑仿周人明
堂之制魯公世室仿夏世室之制歟明堂位多首列魯制而
以天子之制擬之如太廟天子明堂庫門天子皋門之屬則
彼所謂文世室武世室者指周文武廟而言言魯之魯公廟

武公廟卽周之文世室武世室爾周人祖文王而宗武王祭
法注云祭五帝五神于明堂曰祖宗明堂與世室同故文武
廟亦稱世室世世不毀故亦曰祧此傳云世室猶世室也言
此之世室猶周之世室也魯惟魯公之廟稱世室武廟則稱
武宮見成六年並無世室稱也○注魯公至毀也○魯世家
云封周公旦於少昊之虛曲阜是爲魯公周公不就封又云
魯公伯禽之初受封之魯是魯公爲魯始封君也按魯有周
公廟伯禽廟世世不毀又有文王廟姜嫄廟所謂特廟也并
四親廟而入禘祫時或周公何以稱太廟于魯注据魯公始
不及特廟尊不就卑與周公何以稱太廟于魯注据魯公始
封也疏周公未嘗就封何以稱太廟又封魯公以爲周公也
注爲周公故語在下疏止以周公爲始封祖故僖廿四年富
辰數魯僖等同爲文昭知以周公爲
正也周公拜乎前魯公拜乎後注始受封時拜于文王廟也尙
書曰用命賞于祖是也父子俱拜者明以周公之功封魯公
也疏校勘記出魯拜其後云唐石經鄆本作魯公拜乎後此
脫禮記明堂位正義引有○注始受至廟也○書洛誥
云戊辰烝祭歲文王騂牛一武王騂牛一王祭作冊逸祝冊
惟告周公其後王賓殺禋威格王入太室裸王命周公後作
冊

冊逸誥孔傳王爲冊書使史逸誥伯禽封命之書皆同在
祭日周公拜前魯公拜後又云太室清廟毛詩大雅序清廟
祀文王也是始受封于文王廟也故禮記祭統亦云古者明
君爵有德而祿有功必賜爵祿于太廟示不敢專也是也漢
書王莽傳王曰叔父建爾元子父俱延拜而受之師古曰
謂周公拜前魯公拜後然則魯頌王曰叔父五句蓋其誥辭
也知者左傳定四年云命以伯禽而封于少皞之虛與命以
康誥而封於般虛命以唐誥而封於夏虛同今惟康誥存則
伯禽與唐誥皆必是當時篇名猶君牙伯問之類或爲伯禽
之誥也當卽史逸所祝之冊祭統又云祭之日一獻君降立
于阼階之南南嚮所命者北面史由君右執策命之注一獻
一酌尸也此諸侯命其臣之禮王命諸侯禮亦宜然周封魯
公則在烝祭新邑之時特加文武各駢牛一尊周公也故孔
傳云王賓異周公殺牲精意以享文武皆至其廟親告按所
告當在明堂無親至文武廟事故言太室帝以文武配在此故
中央太室亦曰太廟因其制同而大享帝以文武配在此故
也詩疏引鄭志答張逸引洛誥王入太室禋祀一條言周公于
洛邑建明堂宗廟王寢皆爲天子制故明堂位一曰文王廟
大戴禮明堂篇云或以爲明堂者文王之廟也蓋宗祀文王
于明堂故得統稱焉故詩清廟序云周公既成洛邑朝諸侯
率以祀文王焉是其事也亦謂之文祖洛誥乃單文祖德詩
疏引鄭注云乃盡明堂之德是也○注尙書至是也○書甘

誓文按彼謂遷主天子親征載以行者有功則賞之主前與此微異引之者蓋以賞必皆于祖前也故祭統載孔悝鼎銘亦曰公假于太廟公曰叔舅云云也諸侯命大夫於尸食已畢祭事方了復行一獻命之若天子命羣臣則不因常祭特假于廟故大宗伯云王命諸侯則饋注云王將出命假祖廟立依前南向蓋錫茅胙土非比尋常爵賞卿大夫以下也○注父子至公也○禮記明堂位云命魯公世世祀周公以天子之禮樂注同之於周尊之也以周公有大勳勞於天下故也通義云詩曰王曰叔父建爾元子俾侯于魯書曰王命周公後作冊佚誥是其事也命周公後言命魯公以為周公之後

後曰生以養周公

注生以魯國供養周公

疏曰周禮太宰云五

注生猶養也賢臣之老者王者有以養之成王封伯禽於魯曰生以養周公是也○注生以至周公○此養讀如孟子以天下養之養萬章篇以天下養養之至也注舜以天下之富奉養其親至極也伯禽諸侯故以魯公供養也

死以

為周公主

注如周公死當以魯公為祭祀主加曰者成王始

受其茅土之辭禮記明堂位曰封周公于曲阜地方七百里

革車千乘蓋以為有王功故半天子也

疏

周禮注引主作後彼疏云彼云主此

云後不同者鄭以義言之按主後古音同部義亦可通後如
禮喪服爲人後者之後通典引馬注受人宗廟之重明受宗
廟之重者稱後也故喪服不杖期章有女子適人者爲其
昆弟之爲父後者亦謂持重者故何氏謂以魯公爲祭祀主
也主亦如不杖期章之姑姊妹女子適人無主者之主傳
曰無主者謂其無祭主者也敖繼公云祭主者夫若子若孫
也賈疏無主有二謂喪主祭主喪有無後無主者若當家
無喪主或取五服親又無則取東西家若無則里尹主之故
以祭主爲重也○注加曰至之辭○校勘記引浦鏜云受當
授字誤舊疏云卽周書作洛篇曰封人社墮諸侯受命于周
乃建大社于國中其壝東靑土南赤土西白土北驪土中央
壝以黃土將建諸侯壝取其一面之土苞以黃土苴以白茅
以爲社之封孔氏云王者封五色土爲社建諸侯則各割其
方土與之使立社以黃土苴以白茅茅取其潔黃取其王
者覆四方者是其茅土之文耳按白虎通社稷篇亦引春秋
傳曰天子有大社也東方靑色南方赤色西方白色北方黑
色上冒以黃土將封東方諸侯取靑土苴以白茅各取其面
以爲社明謹敬潔清也初學記引漢舊事曰天子大社以
五色土爲壇封諸侯者取其方面土苴以白茅授之各以其
方色以立社於其國故謂之授茅土是漢時猶此制也此曰
如詩魯頌閟宮篇王曰叔父之曰箋云成王告周公曰叔父
我立女首子使爲君於魯謂欲封伯禽也封魯公以爲周公

後故云大開女居以爲我周家之輔蓋皆左傳所謂命以伯禽冊中語○注禮記至子也○鄭彼注云曲阜魯地上公之封地方五百里加魯以四等之附庸方百里者二十四并五五二十五積四十九開方之得七百七百里革車兵車千乘成國之賦也引詩魯頌曰王謂叔父建爾元子俾侯于魯大啟爾宇爲周室輔乃命魯公俾侯于東錫之山川土田附庸又曰公車千乘朱英綵滕按天子方千里開之得積數一百萬里魯方七百里開之得積數四十九萬里是半天子也以爲有王功者明堂位云周公踐天子之位以治天下故也故又云成王以周公爲有大勳勞於天下然則周公之魯乎曰不之魯也封魯公以爲周公主疏經義述聞云字涉上文爲周公主而衍按上文云封魯公以爲周公也周公拜乎前魯公拜乎後曰生以養周公死以爲周公主封魯公以爲周公兼生養死祭言之非專指爲祭主一事也且爲周公主爲字讀平聲封魯公以爲周公爲字讀去聲並見釋文此又封魯公以爲周公是復述上文之辭若於爲周公下加一主字則謬以千里矣自唐石經始衍主字而各本遂沿其誤定四年左傳正義引此無主字按王氏說主是也下注云據爲周公者可證然則周公曷爲不之魯注據爲周公者謂生以養周公死以爲周公主周公不

之魯則不得供養爲主

疏

注掘爲至爲主。上傳云封魯公以爲周公以答不之魯故此復掘

爲周公者謂生養死祭以難不之魯也言既供養爲主何爲不之魯欲天下之一乎周也**注**周

公聖人德至重功至大東征則西國怨西征則東國怨嫌之

魯恐天下迴心趣鄉之故封伯禽命使遙供養死則奔喪爲

主所以一天下之心于周室

疏

白虎通封公侯云周公不之魯何爲周公繼武王之業也

春秋傳曰周公易爲不之魯欲天下之一乎周也詩曰王曰叔父建爾元子俾侯于魯漢書注引尚書大傳周公疾曰吾死必葬於成周示天下臣于周也史記魯世家周公在豐病將歿曰必葬我成周以明吾不敢離成王通義云魯世家述金縢之言曰我之所以弗避而攝行政者恐天下畔周無以告我先王是周公之心也其不之魯亦猶是心也。注周公至至大。○詩周南召南譜云其得聖人之化者謂之周南謂周公也漢書古今人表列周公上上故云周公聖人也祭統云周公且有勳勞於天下又云所以明周公之德是其德重功大也。○注東征至國怨。○僖四年傳語荀子王制篇周公南征而北國怨曰何獨不來也東征而西國怨曰何獨後我也後漢書班固奏記亦有是語。○注嫌之至周室。○正以孟

子云堯崩三年喪畢舜避堯之子於南河之南天下諸侯朝
觀訟獄者不之堯之子而之舜謳歌者不謳歌堯之子而謳
歌舜舜崩禹避舜之子于陽城天下之民從之若堯崩之後
不從堯之子而從舜故周公恐之魯則天下迴心越鄉之也
孔氏廣森集本書大傳曰周公致政封魯三年之後周公老
于豐心不敢遠成王而欲事文王之廟然後周公疾曰吾死
必葬於成周示天下臣于成王又云故周公封于魯身未嘗
居魯也忠孝之道成在成王周公之間故魯郊成王所以禮
周公也上注嫌周公不之魯無以供養為主故此魯祭周公
注云使遙供養死則奔喪為主故無妨不之魯也魯祭周公
何以爲牲注据廟異也周公用白牡注白牡殷牲也周公死

有王禮謙不敢與文武同也不以夏黑牡者嫌改周之文當

以夏辟嫌也疏校勘記出用白牡云闕監毛本同誤也唐石

誤史記三王世家云周公祭天命郊故魯有白牡辟欄之牲

羣公不毛賢不肖差也禮記明堂位云以禘禮祀周公于太

廟牲用白牡詩魯頌閟宮云白牡騂剛傳白牡周公牲也劉

氏達祿解詁箋云禮郊特牲曰諸侯之祭以白牡諸侯之禘

禮也魯祭周公以白牡蓋亦助於僖公非禮也春秋不議者

從郊禘嘗正之矣孟子曰周公之封於魯爲方百里也地非

不足而儉於百里明堂位所記蓋荀卿之徒據其後侈陳之
非經誼也魯之王禮僭自僭公魯頌所爲著莊公之子也其
稱成王所錫魯公所受曰山川土田附庸而已不聞以天子
禮樂也晉文請隧襄王曰王章也焉有成王而以非禮康周
公賦按劉說非是按史記世家云魯有天子禮樂者以褒周
公之德也故明堂位祭統書大傳等並有魯用天子禮樂之
語烏得以郊特牲一語盡反諸家之說魯非強悍之國倍亦
非跋扈主焉政僭用王禮晉文伯主用隧猶須請于襄王而
謂魯敢自爲郊祫乎襄王以王章阻晉獨不能以王章罪魯
乎詩之所詠略舉數端詩所不及不得遽謂禮之所無況詩
明云白牡騂剛矣諸侯自僭可云非禮成王康之則有所受
何得仍責非禮郊特牲所記或別國諸侯亦有效用白牡者
爾○注白牡者殷牲也○禮記明堂位注白牡者牲也又檀
弓云殷人尙白大事斂用白中戎事乘翰牲用白紫露郊事
對云春秋曰魯祭周公用白牲色白貴純也帝牲在滌三月
牲貴肥潔而不貪其大也凡養牲之道務在肥潔而已駒犢
未能勝芻豢之食莫如令食其母便以用白爲貴純似與何
氏所據異又春秋下宜脫傳字郊特牲曰諸侯之宮縣而祭
以白牡諸侯之僭禮也注白牡大路殷天子禮也然則魯以
周公之故得用天子禮樂故以殷之白牡亦惟文王周公廟
用之若用於他廟亦爲僭其列國諸侯惟二王後得用其先
世所尙之色之牲幣以祀其先祖如宋祭殷先王亦得用白

牲也郊特牲云乘素車貴其質也所十有二旒龍章而設日月象天也注日月畫于旂上素車殷禮也魯公之郊用殷禮也是也○注周公至同也○白虎通崩薨篇養從生葬從死周公以王禮葬何以爲周公踐阼理政與天同志展與周道顯天度數萬物咸得休氣充塞原天之意子愛周公與文武無異故以王禮葬使得郊祭尙書曰今天動威以彰周公之德下言禮亦宜之繁露郊事對云臣謹問仲舒魯祀周公用白牲非禮臣仲舒對曰禮也臣湯問曰周天子用騂剛羣公不毛周公諸公也何以得用純牲臣仲舒對曰武王崩成王幼而在襁褓之中周公繼文武之業成二聖之功德漸天地澤被四海故成王賢而貴之詩云無德不報故成王使祭周公以白牲上不得與天子同色下有異於諸侯仲舒愚以爲報德之禮則此云謙不敢與文武同者謂不敢用赤牲也魯世家云周公既卒成王亦讓葬周公於畢從文王以明予小子不敢臣周公也論衡感類云開闢得書覺寤泣過決以天子禮葬公漢書梅福傳云昔成王以諸侯禮葬周公而皇天動威雷風著變是周公死有王禮也蓋今文尙書皆以金縢風雷之變在周公沒後故儒林傳谷永上疏亦云昔周公薨成王葬以變禮而得正後漢書注引洪範五行傳曰周公死成王不圖大禮故天大雷兩禾似木拔乃成王寤金縢之策故周公之葬尊以王禮申命魯郊而天立復風雨禾稼盡起焉○注不以至嫌也○校勘記出謙改周之文勢木謙作嫌

此誤明堂位云夏后氏牲尚黑是夏黑牲也舊疏云正朔三而改改天正十一月者當以十三月為正蓋若用黑牲則周公亦有繼周之也魯公用騂牝注騂牝赤脊周牲也魯公以諸侯嫌故通之也

不嫌故從周制以脊為差疏注騂牝至牲也○經義述聞云

為赤脊矣引之謹案牛有赤色謂之騂牝則自脊以外非赤色也魯頌閟宮篇享以騂犧傳曰騂赤犧純也箋曰赤牛純色今唯脊毛赤而餘則否豈純色之謂乎且無以異於羣公之不純色矣明堂位曰夏后氏牲尚黑殷牲尚白全體之毛色皆然而騂牝為赤脊則是夏牲尚黑殷牲尚白全體之毛色皆然而周之尚赤獨為脊赤而非全體皆赤之牲無足理也當從說文訓牝為特牛特牛牡牛也騂牝猶言騂牡耳小雅信南山曰祭以清酒從以騂牡吳氏經說云疏山脊曰岡故知騂牝赤脊釋文云牝詩作剛漢書五行志注云鬣頤上鬣也楚辭守志覽高岡兮曉曉注云山嶺曰岡嶺俗領字然則岡領同義曲禮豕曰剛鬣亦謂豕肥則脊上毛長也剛段借字古止作岡騂牝為赤脊信矣天子騂犧純赤諸侯騂牝但脊上毛赤以是別尊卑之等故注云從周制以脊為差說文牝特牛也魯兼用四代禮樂夏商之牲純周則止騂牝耳不得據以相難不然則牝字从岡其義何取○注魯公至為差○繁露郊

事云魯郊用純駢剛周色上赤魯以天子命郊故以駢按郊
用駢賁魯公廟用駢剛不同魯公廟不用天子禮樂故不嫌
用赤牲也從周制以脊為差者謂從周制用駢但以脊為差
別耳禮記玉藻云諸侯元端以祭注祭先君也端當為冕諸
侯祭宗廟之服唯魯與天子同正義按明堂位云君卷冕立
于阼夫人副褱立于房中熊氏云此謂祭文王周公之廟得
用天子之禮其祭羣公以下則亦元冕故公羊云周公用白
牡魯公用駢剛羣公不毛是魯公以下與周公異也二王之
後祭其先王亦是用其先代之服二王之後不立始羣公不
封君廟則祀祭東樓宋祭微子以下亦皆元冕也羣公不

毛注

不毛不純色所以降于尊祖疏

注不毛不純色○周禮

駢牲毛之陰祀用騂牲毛之望祀各以其方之色牲毛之注
毛之取純毛也明不毛為不純色也公羊禮說云祭祀之事
先為清酒其次擇牲擇牲即祭義古者天子諸侯必有養獸
之官君召牛擇其毛而卜之也周禮牧人凡陽祀用騂牲毛
之注毛之取純毛陽祀祭天子南郊及宗廟又云凡外祭股
事用龍可也注龍謂雜色不純也按今魯祭羣公於宗廟非
外事可比何為而不純乎陽祀用騂牲此天子之禮魯諸侯
也魯公尚不敢與文武同牲故以脊為差而羣公反可以用
純乎故注謂不毛不純色所以降于尊祖也孔冲遠於祭義
謂犧純色天子牲也牲完也諸侯牲也於大雅謂不毛者不

定用一毛而已其性皆用純色故此祭用純騂也祭義云擇其毛是諸侯用純色也冲達之疏何首鼠兩端而自相矛盾乎按通義云亦用純色但不擇取騂白若物性猶牲之屬皆可也亦沿孔疏之誤○注所以降于尊祖○校勘記云盧文弨曰于當作子按此本疏中作降子尊祖今按作于不辭作子是也然則凡用牲廟各別牢故禮通疏引逸禮云毀廟之

照共一牢穆

魯祭周公何以爲盛

注据牲異也疏釋文云盛

器曰盛此盛統言之與周公盛注盛者新穀疏○江盛者新穀

下傳周公盛之盛少異也周禮載師不耕者祭無盛按說文皿部盛黍稷在器中以祀者也故在器即謂之盛此蓋對下

齊與陳言故解爲新穀亦以意言之非詰盛爲新穀也周禮

陳人職云大祭祀則共其接盛注接讀爲一扱再祭之扱扱

以受春人春之大祭祀之穀藉田之收藏於魯公肅注肅者

神倉者也不以給小用盛蓋亦即接盛與魯公肅注肅者

冒也故上以新也疏釋文肅徒報反一本作濤音同○注肅

轉廣雅釋詁云情覆也覆冒義同謂以覆乎上也按釋文云

一本肅疑情之誤禮記中庸無不覆情是也亦作壽方言壽

覆也又云壽戴也亦謂以舊穀戴新穀義之反覆相通者也

說文火部肅覆照也周禮司几筵云每敦一几注敦讀爲肅

覆也舊疏云正以燾訃為覆若似周書燾以黃土之屬是也然則言周公盛者謂新穀滿其器言魯公燾者謂下故上新也各半羣公廩注廩者連新於陳上財令半相連爾此謂方祫

祭之時序昭穆之差疏注廩者至連爾○孫氏志祖讀書勝

廩所未詳按釋文引舍人云廩少鮮也蓋廩與鮮通廩有鮮義公羊文十三年傳羣公廩何注廩者連新穀於陳上財令半相連爾疏謂全是故穀但在上少有新穀則得相連而已故謂之廩廩者希少之名此其證通義云廩者新陳相雜易謙于无陽鄭司農注讀如羣公謙之謙謙維也即讀從此傳文按鄭易注見詩采薇疏引謙廩聲相近此舊疏引鄭注易云廩讀如羣公廩之廩當是後人改竄鄭易本亦不作廩也臧氏庸拜經日記云注廩者連新於陳上財令半相連疏廩謂全是故穀但在上少有新穀財得相連而已故謂之廩廩者稀少之名是以鄭注云讀如羣公廩之廩釋文公廩力甚反開成石經作廩詩采薇正義引易文言為其謙于无陽鄭注謙讀如羣公謙之謙古書篆作立心與水相似讀者失之故作謙謙維也或据詩正義所引鄭易注以校公羊疏謂傳羣公廩當作羣公謙按說文五下畫愛牆也从來从面面即廩正字爾雅釋言廩廩也釋文引舍人注廩少鮮也釋名釋宮室云廩矜也寶物可矜惜者投之於其中也是廩為鮮少

希貴之意公羊襄二十三年傳注云所傳聞之世見治始起
所開世廩廩近升平治之漸也此廩字與羣公廩正同何云
廩廩近又云漸皆與財令相連之財字篆合可證廩字無誤
公羊有嚴顏二家本蓋何邵公所據顏氏本作羣公廩鄭康
成所據嚴氏本作羣公謙謙古讀如廉廉聲相近故文異
謙者推也言新陳穀相和廩者鮮少僅有之意謂些些新穀
略與陳穀相粘而已故疏云財令相連注中半字當為衍文
蓋下故上新可言半廩而言半與意混矣疏甚分明若徐疏
所引鄭云或即羣合文言注以意竄改或鄭注他經傳另有
是語今鄭公之書多闕無可考矣讀書叢錄云爾雅釋文孫
炎曰廩臧穀鮮絮也舍人云廩少鮮也顧烜案孫炎以鮮為
絮舍人以鮮為少本皆作廩鮮也郭意同於孫炎舍人故注
云或說云即倉廩所未詳引其義未改其字亦當作鮮公羊
疏廩者稀少之名詩疏引鄭易注作謙謙亦希少之意與舍
人注合按諸說皆相近臧氏尤為詳贍俞氏樞曰宗廟案盛
必無新故雜揉之理何解疑非也曰盛曰豐曰廩蓋別異其
在器之多寡耳盛者滿也素問脈要精微論上盛則氣高下
盛則氣服王注曰盛謂盛滿然則周公盛者謂滿其器也蓋
者冒也覆也何氏訓燾為冒疏謂燾詰為覆若周書蠲以黃
土之類正得其義魯公燾者謂雖不滿其器然足覆冒之不
見底也廩者少也爾雅釋言廩廩也廩字說文所無古本止
作鮮故釋文引舍人曰廩少鮮也是廩有少義此說亦曰廩

者希少之名是也羣公廩者謂不能滿其器並不能覆冒之故在器中見其少也廩古作廉周易文言傳鄭注曰廉讀如羣公謙之廉古書傳作立心與水相近然則羣公謙猶羣公慊也孟子公孫丑篇吾何慊乎哉趙注曰慊少也禮記大學篇正義曰慊不滿之貌是可得其義矣○注此謂至之差○舊疏云若以時祭粢食精鑿羣公之饌一何至此故知正是祫祭之時序昭穆之差所以降子尊祖故也按禮者所以別同異諸侯之尊豈必於粢盛斬其新穀蓋有所等差正所以尊祖也

世室屋壞何以書譏何譏爾久不脩也

注簡忽久不以

時脩治至今壞敗故譏之言屋者重宗廟詳錄之以不務公

室不月者知久不脩當蒙上月

疏注簡忽至譏之○通義云歷七月不雨則無壞道而

壞知其積阨不脩者久矣穀梁傳太室屋壞者有壞道也譏不脩也又曰禮宗廟之事君親割夫人親春敬之至也爲社稷之主而先君廟壞極稱之志不敬也五行志中之上文公十三年大室屋壞近金沱木木動也先是冬釐公薨十六月乃作主後六月吉禘于太廟而致釐公春秋譏之經曰大事于太廟躋僖公左氏說曰太廟周公之廟饗有禮義者也祀國之大事也惡其亂國家之大事於太廟故言大事也躋登也登釐公於愍公上逆祀也釐雖愍之庶兄嘗爲愍臣臣子

一例不得在愍上又未三年而吉禘前後亂賢父聖祖之大
禮內爲親不恭而狂外爲言不從而僭故是歲十二月不雨
至於秋七月後年若是者三而太室屋壞矣前堂曰大廟中
央曰大室屋其上重屋尊高者也象魯至是陵夷將墜周公
之祀也穀梁公羊經曰世室魯公伯禽之廟也周公稱太廟
魯公稱世室大事者祫祭也躋釐公者先禘而後祖也經義
雜記云漢志所載左氏說乃西漢儒解左傳之文足以補正
杜氏彼云惡其亂國家之大事於太廟故言大事則書大事
者因以見譏今杜云大事禘也則似爲禘之常稱矣○注言
屋至鮮之通義云屋者當中霑上出重屋也魯有復廟重
檐亦天子之制也蓋本五行志所載左氏說謂其上重屋尊
高者也按明堂位曰復廟重檐注復廟重屋也謂上下重屋
也詳錄壞之所在爲重宗廟也明太廟非必全壞也○注以
不務公室○定二年冬十月新作雉門及兩觀傳修舊不書
此何以書譏何譏爾不務乎公室注務勉也舊疏云不務公
室亦可施於久不脩亦可施於不務如公室之禮後辭也○
注不月至上月○校勘記出不月云鄂本同問監毛本不誤
書舊疏云當蒙上月者謂蒙上秋七月也月者久也彼久不
脩是以書月此亦久不脩故知當蒙上月爾意謂據定二年傳書十月例此也

冬公如晉

衛侯會于沓疏

左穀二家經會下有公字按有者是也此亦宜有如無公字傳注均宜有說繁露隨本消息云

父公不事晉先齊侯潘卒一年文公如晉衛侯鄭伯皆不期來齊侯已卒諸侯果會晉大夫于新城所行從不足恃所事者不可不慎此亦存亡榮辱之要也謂此皆及下斐之會十四年新城之盟事也意謂魯不事晉至此始改事何氏無此意蓋齊趙經師異說也杜云沓地闕

狄侵衛

十有二月己丑公及晉侯盟疏

包氏慎言云十二月書己丑十日無己丑十一月之十二日

也然十四年始書公至自晉盟後即書公還自晉鄭伯會公于斐則經月不得有誤己丑或乙丑之誤爾

還自晉疏

左傳作公還自晉穀梁以為還者事未畢也

鄭伯會公于斐疏

釋文斐本又作裴按左傳穀梁傳並作裴杜范皆云裴鄭地按左氏襄三十一年鄭印段

廷勞于裴林大事表云即裴林宣元年諸侯會晉于裴林杜亦云鄭地滎陽苑林縣東南有林鄉今開封新鄭縣東二十五里林鄉城是其地也詳宣元年

還者何善辭也何善爾往黨衛侯會公于沓至得與晉侯盟

反黨鄭伯會公于斐故善之也注黨所也所猶時齊人語也

文公前扈之盟不見序後能救鄭之難不逆王者之求上得

尊尊之義下得解患之恩一出三爲諸侯所榮故加錄於其

還時皆深善之疏注黨所至語也○校勘記云鄂本宋本問

乎何黨之乎集解黨所也彼亦齊人之歌則黨詰爲所信齊

語矣往所猶言往許往許猶言往時莊子曰物之黨來寄也

其義爲時來荀子曰怪星之黨見其義爲時見黨訓所轉訓

時也按史記注引服虔注黨正訓所即杜氏所本故曾子問

歸葬於女氏之黨謂女氏之所也禮父黨無容謂父所無容

也鄉射禮之參侯道居侯黨之一西五步謂侯所也齊策歸

于何黨矣謂歸於何所也經傳亦多以所代時昭三十一

年左傳有所有名而不如其已謂有時有名而不如其名也大

戴禮本命篇無所敢自遂也謂無時敢自遂也襄二十七年

左傳晉楚所以兵威遂謂時以兵威之也昭七年左傳從政

有所反之以取嫌也謂有時反其道以取媚于民也昭三十

年左傳先君有所助執紼矣謂有時助執紼也墨子節用篇

其欲早處家者有所二十年處家其欲晚處家者有所四十
年處家所字亦作時字解公羊問答云越語夫上黨之國章
昭注黨所也釋名上黨之所也在山上其最高故曰上黨
也○注文公至見序○上七年公會諸侯晉大夫盟于厘傅
公失序也是也○注後能救鄭之難○上九年楚人伐鄭公
子遂會晉人宋人衛人許人救鄭是也○注不逆王者之求
○上九年毛伯來求金是也○注上得至善之○上得尊尊
之義即不逆王者之求也下得解患之恩即救鄭之難是也
一出三爲諸侯所榮即及晉侯盟鄭伯會公于葵丘侯會公
于杏是也通義云前扈之盟公失序今一出而衛鄭皆因公
以請平于晉臣子之心喜其爲諸侯所尊榮故加善辭也按
如繁露云衛鄭皆不期來似無因公請平于晉之義請平事
見左氏傳毛
本於改于非

皇清經解續編卷千二百三十終

昭文孫同康參校

皇清經解續編卷千二百三十一

南菁書院

公羊義疏四十三

句容陳立卓人著

文十四年
盡十八年

十有四年春王正月公至自晉

注

月者為臣子喜錄上事

疏

穀

傳自晉事畢也。○注月者至上事。○桓十六年注致例時此月故解之為臣子喜錄上事見上文僖四年注凡公出滿三時月危公之久同書月義不同春秋無達例也

邾婁人伐我南鄙

叔彭生帥師伐邾婁

夏五月乙亥齊侯潘卒

注

不書葬者潘立儲嗣不明乍欲立舍

乍欲立商人至使臨葬更相篡弑故絕其身明當更立其先

君之次

疏

孔疏世家及世本是齊昭公也包氏慎言云五月書乙亥月之朔日。○注不書至之次。○葉鈔釋文

纂弒作纂殺音申志反下同按十行注疏本載音義亦作殺包氏慎言云絕其葬使不得入先君之兆也通義云不言葬齊昭公者與詭諸同義按孔氏於晉侯詭諸卒下云不葬者里克弒先君命嗣與弒君同罪奚齊未踰年例不書葬責討賊之文不得見乃更移賊未討不書葬之義於此明晉之臣子不爲奚齊討賊卽爲無恩於獻公故不繫臣子辭則亦以此不書葬爲責齊臣子不討弒舍之賊矣然魯子赤被弒文公書葬何以不責魯之臣子辨見僖九年按史記齊世家云昭公之弟商人以桓公死爭立而不得陰交賢士附愛百姓百姓說及昭公卒子舍立孤弱卽與眾十月卽墓上弒齊君而商人自立是爲懿公所謂臨葬更相篡弒也惟細按何義似以商人亦昭公子舍與商人儲嗣不明致成亂階與史記左傳皆不合何氏或有所本按世家又云孝公卒孝公弟潘因備公子開方殺孝公子而立潘是爲昭公則昭公篡立或不書葬以示絕與晉惠公同與公羊何氏無此義姑存之以備一說

六月公會宋公陳侯衛侯鄭伯許男曹伯晉趙盾癸酉同盟于

新城注

盟下日者刺諸侯微弱信在趙盾

疏六月書癸酉月

云新城宋地在梁國穀熟縣西大事表云今商丘縣西南有新城亭水注雖水篇雖水又遷新城北卽宋之新城亭也

春秋文十四年公會宋公陳侯衛侯鄭伯許男曹伯盟于新城者也方輿紀要新城在歸德府城南○注盟下至趙盾○襄十六年戊寅大夫盟傳其言大夫盟何信在大夫也此注信在趙盾與彼信在義同舊疏云若如盟目定否趙盾制之然足以盟下日以起之

秋七月有星孛入于北斗

孛者何彗星也

注狀如彗

史記天官書彗星三見正義謂

斗是孛即彗也穀梁傳孛之為言猶彗也○注狀如彗○禮記曲禮云國中以策彗帥勿注彗竹帚是即彗也經傳止作彗釋名釋天云彗星光稍似彗也是也天官書記歲星失次云進而東南三月生彗星長二丈類彗星正義天彗者一名掃星本類星末類彗小者數寸長長或竟天而體無光假日之光故夕見則東指晨見則西指如日南北皆隨日光而指光芒所及為災變書又云天棊長四丈末見天棊長四丈末見天槍長數丈兩頭兒蓋皆彗類故爾雅釋天云彗星為棊槍開元占經引孫炎云棊槍妖星別名也是也占經又引尸子曰彗星為棊槍見妖星篇彗星占篇引荆州占曰歲星逆行過度宿者則生彗星一日天棊二曰天槍三曰天棊四曰彗星此四者皆為彗按郝即孛星孛機槍棊與彗同也管子

輕重篇國有槍星其君必辱國有彗星必有
流血浮丘之戰對言之與散則總名彗也 其言入于北斗

何注据大辰不言入又不言字名疏注据大至季名○昭十

大辰不言入也直言于大辰不言所入之星名也何者彼傳

云其言于大辰何在大辰也又曰大火為大辰伐為大辰北

辰亦為大辰是大辰東方七宿皆謂之辰非七宿北斗有中

之常名也故此据以為難也按注字字疑星之誤北斗有中

也注中者魁中疏注中者魁中○穀梁傳其曰入北斗何斗

入此言入者明斗有規郭入其魁中也五行志下之下星傳

曰魁者貴人之牢又曰字星見北斗中大臣諸侯有受誅者

一曰魁為齊晉升彗星較然在北斗中天之視人顯矣天官

書北斗七星所謂旋璣玉衡以齊七政杓攜龍角衡殷南斗

魁枕參首索隱引運斗樞云斗第一天樞第二天樞第三璣第

四權第五衡第六開陽第七搖光第一至第四為魁第五至

第七為杓類聚引又云合為斗居陰布陽何以書記異也注

斗者邪亂之氣簪者婦故置新之象也北斗天之樞機玉衡

七政所出是時桓文迹息王者不能統政自是之後齊晉並

爭吳楚更謀競行天子之事齊宋莒魯弑其君而立之應疏

注字者邪亂之氣。五行志云：董仲舒以爲孝者惡氣之所生也，謂之字者言其字字有所妨礙，開亂不明之貌也。釋名釋天云：字星之旁氣字字然也。穀梁注引劉向曰：弗星亂臣之類。○注：舊者至象也。○昭十七年左傳申須曰：彗者所以除舊布新也。又二十六年左傳晏子曰：天之有彗也，以除穢也。史記正義見則兵起，除舊布新，彗所指之處弱也。○注：北斗至所出。○書堯典在璿璣玉衡以齊七政，疏引馬注：日月星皆以璿璣玉衡度，知其盈縮進退，失政所在，聖人謙讓，猶不自安，視璿璣玉衡以驗所日月五星行度，知其政是與否，重審己之事也。初學記引運斗樞云：五帝所行同道，異位皆循斗樞機之分，遵七政之紀，九星之位，史記注引文耀鉤云：斗者天之喉舌，玉衡屬杓，魁爲璇璣，天官書云：斗爲帝車，運于中央，臨制四鄉，分陰陽建四時，均五行，移節度，定諸紀，皆繫于斗，是爲天之機樞，玉衡也。七政者，史記注引書大傳云：七政謂春秋冬夏天文地理人道，所以爲政也。人道正而萬事順，又引馬注書云：七政者，北斗七星，各有所主，第一曰主日，法天，第二曰主月，法地，第三曰命火，謂熒惑也，第四曰然土，謂填星也，第五曰伐水，謂辰星也，第六曰危木，謂歲星也，第七曰罰金，謂太白也，日月五星，侯異故名。七政也，與書傳小異。○注：是時至之應。○校勘記出王都不能統政云：閻監

毛本同此本王作正皆誤鄂本作王者當據正左傳周內史叔服曰不出七年宋齊晉之君皆將死亂穀梁柱引劉向曰北斗實星人君之象也第星亂臣之類言邪亂之臣將並弑其君五行之下載此經引劉歆以爲北斗有環域四星入其中也斗天之三辰綱紀象也宋齊晉天子方伯中國綱紀彗所以除舊布新也斗七星故曰不出七年至十六年宋人弑昭公十八年齊弑懿公宣公二年晉趙穿弑靈公又引董仲舒以爲北斗大國象後齊宋魯莒晉皆弑君劉向以爲君臣亂於朝政令虧於外則上濁三光之精五星竄變色逆行甚則爲孝北斗人君象孝星亂臣類篡殺之表也史之有占明矣時君終不悟是後宋魯莒晉鄭陳六國咸弑其君齊再弑焉中國既亂夷狄並侵兵革縱橫楚乘威席勝深入諸夏六侵伐一滅國觀兵周室外滅二國內敗王師又連三國之兵大敗齊師于鞏追亡逐北東臨海水威陵京師武折大齊皆幸星炎之所及流至二十八年星傳又曰彗星入北斗有大戰其流入北斗中得名人不入失名人宋華元賢名大夫大棘之戰華元獲于鄭傳舉其效云占經引威精符云孝賊入北斗中者大國結謀伐天子又云星孝人北斗兵大起將有外以制權以兵爲政者取應大率相同惠氏士奇春秋說云漢建安十一年正月星孝于北斗首在斗中尾貫紫宮及北辰其後魏受禪晉隆安四年二月己丑有星孝入北斗魁主三台三月遂經太微帝座端門占曰彗星入北斗經

三台易主之象其後宋齊受禪又惠帝永興二年十月丁丑有星孛于北斗占曰璿璣更授天子出走又曰強國發兵諸侯爭權又曰星孛于斗王者疾病天下易政皆與文十四年同占故周內史叔服曰不出七年宋齊晉之君皆將死亂此天下易之象也由是楚莊觀兵周疆敗晉師非所謂彊國發兵諸侯爭權與按齊晉並爭蓋指宣十七年晉衛伐齊成元年齊伐魯二年齊敗衛晉魯衛敗齊之屬吳楚更謀謂楚莊爭霸成七年吳伐郟為吳伐中國之始齊宋莒魯事此年下齊公子商人弑其君舍十七年宋弑杵臼十八年齊弑商人子卒莒弑庶其是也

公至自會疏得與晉及諸侯盟猶上書公至自晉及上年書還

自晉義也

晉人納接菑于邾婁弗克納疏左氏穀梁接作捷經義雜記云

傳穀梁作捷買景伯所見公羊穀梁皆作接僖三十二年鄭伯接卒左氏穀梁作鄭伯捷捷接二字古多通用

納者何入辭也疏九經古義云納當作內古文入作內按莊

十五年傳云納者內其言弗克納何注據言于邾婁與納頓弗受也蓋納兼二義

于于頓同俱入國得立辭注據言至立辭○即僖二十五

彼納頓于于頓爲入國得立辭此言納接蓄于邾大其弗克

納也注克勝也鄭伯以勝爲惡此弗勝故爲大疏○詩小雅

荀子大略篇然能使其欲利不克其好義也注克勝也○

也殺之則曷爲謂之克大鄭伯之惡也注鄭伯以勝爲惡也

知此言弗克者大之也先言納接蓄于邾婁者致晉君之意

也復言弗克納何大乎其弗克納注據伐齊納子糾恥不能

納疏伐而不言納者恥不能納也是其諱不克納故書伐以起

之也然則弗克納者蓋晉卻缺帥師革車八百乘疏穀梁傳

可以克而弗克之辭也晉卻缺帥師革車八百乘疏穀梁傳

也與此異左氏又以爲趙盾陳樹華云下十五年宣九年

缺兩見穀梁作卻克乃傳寫之誤左傳亦云以諸侯之師

八百乘納以納接蓄于邾婁力沛若有餘注沛有餘貌疏沛

有餘貌。○廣雅釋詁：沛，大也。漢書五行志：沛然自大。楚辭：九歌：沛吾乘兮桂舟。孟子：梁惠王云：沛然下雨，音義：沛字亦作霈。初學記：太平御覽俱引作霈。華嚴經音義：引文字集略云：霈，謂大雨也。大雨即有餘意。經傳釋詞：若猶然也。易：乾九三：夕惕若厲，離六五：出涕沱若戚嗟。而納之。邾婁人言曰：接菑。

晉出也。獲且齊出也。注：出外孫也。疏：注：出外孫也。○穀梁傳

問答曰：此即爾雅釋親：男子謂姊妹之子為出。女子之子

為外孫也。按爾雅：出與外孫不同。釋名：曰姊妹之子曰出。出

嫁於異姓而生者也。郭注：爾雅引襄五年傳：蓋舅出也。文此

以出為外孫者，為同為嫁于異姓，所出故也。左傳：成十三年

云：康公我之自出，時已景公。世自不必專屬姊妹。子言矣。儀

禮喪服：有外孫又倍。五年注：有禮外孫，初冠有朝外祖之道

皆謂女子。予子也。蓋凡姊妹女子子，子以其指注：指手指

子皆謂之出。為其出嫁後所出也。舊疏云：子謂卻缺言子

疏：以手指指麾于邾婁，令使納接菑也。此說迂回，子以其指

也。喻義在下。則接菑也。四獲且也。六注：言俱不得天之正

性。疏：注：言俱至正性。○毛本俱誤。据公羊問答云：注言俱不

得天之正性何也？曰：莊子駢拇篇：駢拇枝指而多於德。

附贅懸疣而侈於性釋文司馬云性人之本體也駢拇枝指
附贅懸疣此四者各出於形性而非形性之正疏云舊云子
以其指者言凡立子之法以其手指相似則接蓄猶人之四
指獲且猶人之六指皆異於人故曰俱不得天之正性也通
義云謹案子稱卻缺也凡以手計數者屈四指伸小指則為
四偏屈五指還伸小指則為六此軍中遙相語舉手小指以
示卻缺言接蓄比之於指如計四數者然也攷且如計大數
者然也其實皆以小指喻庶孽爾讀書叢錄云按疏以其手
指相似則接蓄猶人之四指獲且猶人之六指右手將指速
左手言之則為第六指離左手言之則為第一指故下文云
獲且也長按洪氏迂回孔義較是然與何義俱不得天之正
性不合故舊疏引舊說以四指六指者喻之也其舊疏云地
四生金于西方地六成水于北方皆非天數也言此者喻皆
庶子矣亦未是於以指何涉子以大國壓之
注壓服也服邪婁使從命疏釋文壓於甲反服也校勘記云
此當本作厭之何訓為服不當
加土○**注厭服也**荀子正論云天下厭焉與鄉無以異也
注厭然順服貌禮既夕記纓條為厭注厭伏也後漢書桓榮
傳胡廣傳注則未知齊晉孰有之也**注設齊復興兵來納獲**
並云厭伏也
且亦欲服邪婁使從命未知齊晉誰能使外孫有邪婁者疏

正以齊亦大國故也時晉霸中衰貴則皆貴矣注時邾婁再

故邾婁人以理與勢並舉御之

娶二子母尊同體敵疏注時邾至體敵○左傳邾文公元妃

卒邾人立定公捷荀奔晉是邾婁再娶也白虎通嫁娶篇必

一娶何防淫佚也為其棄德嗜色故一娶而已人君無再娶

之義也莊十九年傳云諸侯一聘九女諸侯不再娶注不再

娶者所以節人情開駘路故聘婚未往而死媵仍當往以示

不再娶之義邾婁元妃卒後復娶于晉衰世諸侯不能如禮

也獲且元妃所生則獲且適子之位已正晉人欲以庶奪嫡

邾婁人不敢以嫡庶名分卻之故曰貴則皆貴也通義云皆

六國外孫故言皆貴此對晉人為婉遜辭云爾是也舊疏云

蓋皆是右媵之子或是左媵之子言非姪娣所生也非注義

如左右媵則自有定序見隱元年注不得以長幼論也注明

言再娶與左傳合非所謂左右媵雖然獲且也長注既兩不

也亦非以姪娣與二媵較貴賤也雖然獲且也長注既兩不

得正性又皆貴唯當以年長故立之疏隱元年傳立子以貴

長也邾婁君兩娶本失正不敢斥君之非故渾云兩不得正

性其實獲且正接蓄不正也穀梁云獲且正也捷蓄不正也

注正適也卻缺曰非吾力不能納也義實不爾克也注如邾婁

也是也

人言義不可奪也故云爾疏校勘記出爾克云唐石經鄂本

傳曰弗克納未伐而曰弗克何也弗克其義也注非力不足

義不可勝是也按邾婁人詭辭以謝晉晉人藉義以自解故

如邾婁人引師而去之故君子大其弗克納也注大其不以

言而退也已非奪人之是疏惠氏士奇春秋說云易同人九四乘其

則困而反則也弗克而還可謂困矣困而反則君子善之故

易稱吉又何讓焉趙匡曰此乃讓其不量力而勞師爾聞義

能止差可補過何足美之如其說則交辭當云无咎无咎者

善補過也易為繫之以吉者蓋有過則改聞義則徙善之大

者非徒无咎矣公羊之說誠得春秋微旨趙匡好駁先儒以

其說不可通於易詩書則云春秋之例不可通於他經妄之

妄者也六經皆聖賢之語曷為不可通哉學者詳之按左傳

宣子曰辭順而弗從不祥乃還注云大其不以已非奪人之

是也惟以為此晉卻缺也其稱人何疏通義云据傳言卻缺

卑師貶曷為貶注据趙鞅納蒯聵不貶疏注据趙至不貶

少文貶曷為貶注据趙鞅納蒯聵不貶疏注据趙至不貶

帥師納衛世子蒯聵于戚是也彼疏云卻缺納不正貶稱人

今趙鞅亦納不當得位之人而不貶正以納父罪不至貶也

是其不與大夫專廢置君也疏繁露王道云大夫不得廢置

義也妻知臣下作福之誅今本君下稱命字非也穀梁傳其曰人

何也微之也何為微之也長穀五百乘縣地千里過宋鄭滕

薛夏入干乘之國欲變人之主至城下然後知何知之晚也

杜預取以說左氏按興師伐國皆所甚惡春秋何不慨貶之

命專責之帥師無是理也曷為不與注据大其弗克納實與

稱人况納接舊事必受君

弗克納是而文不與疏通義云弗克納者與之實文曷為

不與大夫之義不得專廢置君也注不復發上無天子下無

方伯傳者諸侯本有錫命征伐憂天下之道故明有亂義大

夫不得專也接舊不繫邾婁者見挈于卻缺也不氏者本當

言邾婁接舊見當國也疏注不復至道故○僖元年二年十

宜也與大夫不同故得發彼傳○注明有至專也○舊疏云言大夫若有專廢置君者即是亂義故曰明有亂義大夫不得專也○正由大夫不得專廢置故也○注接舊至缺也○舊疏云据僖二十五年納頓子繫頓也○按接舊進退在卻缺故不繫以卻婁也○卻缺之宜貶愈見左氏家劉炫云已云却國又非却君故不稱却接舊也○然則則賈亦云衛納時亦未得國何為繫之衛與○注不氏至國也○舊疏云据宣十一年納公孫甯儀行父于陳皆言氏也○僖九年齊小白人于齊傳曷為以國氏當國也○注當國故先氏齊也○此本當言却婁接舊當國如齊小白例因本未得國而又見挈于卻缺與鄭段亦異故去其國見義不得更氏也

九月甲申公孫敖卒于齊注已絕卒之者為後齊魯歸其喪

有恥故為內諱使若尚為大夫疏包氏慎言云九月書甲申

罪不若弑君重穀梁傳曰其地于外也○注已絕至大夫○

上八年公孫敖奔莒春秋之例大夫出奔則絕其大夫公子

慶父藏孫紇之屬是也則不得書卒今敖書卒故解之脅歸

其喪即下十五年齊人歸公孫敖之喪是也穀梁傳曰奔大

夫不言卒而言卒何也為受其喪不可不卒也是亦為內諱

義也禮記王制云大夫廢其事終身不仕死以士禮葬之注

以不任大夫也疏致仕而退死得以大夫禮葬是也是以春秋大夫有過被黜則不書卒以其卒時非大夫故也公孫敖出奔視被黜重矣當絕尤不當卒茲卒之故為內諱文使若尚為大夫也大夫去國得尚為大夫者以臣子以義去者君有不絕其祿之事禮記曲禮云去國三世爵祿有列于朝白虎通引援神契云臣待放于郊君不絕其祿參分之二與之一留與其妻長子使得祭其宗廟是也

齊公子商人弑其君舍

此未踰年之君也其言弑其君舍何注据弑其君之子奚齊

也連名何之者弑成君未成君俱名問例所從也疏注据弑

也○即傳九年晉里克弑其君之子奚齊傳弑未踰年君之號也亦弑未踰年君不言弑其君而引先君冠子上與此殊故

据以難○注連名至從也○春秋之例弑成君未成君皆名成君名者隱四年衛州吁弑其君完莊八年齊無知弑其君

諸兒之屬是也未成君名則此及哀三年齊陳乞弑其君荼是也此若止問弑其君嫌僅問未踰年君何以稱其君故連

名問之正以問例所從也已立之已殺之注商人本正當立据下傳意則從成君例矣

恐舍緣潘意爲害故先立而弑之

疏通義云己已商人也已代舍立乎其位而實卽

已手刃之與里克殺君之子而不自篡者異齊世家云舍之母無寵於昭公國人莫畏昭公之弟商人以桓死陰交賢士附愛百姓及昭公卒子舍立孤弱卽與眾弑舍自立是其事也惟以商人爲昭公弟用左氏義○注商人至弑之○舊疏云正以弑舍不書日見不正遇禍則知商人本正明矣然則公羊以商人爲潘之適舍爲庶潘立舍立商人未定商人緣潘有廢立意故先立舍而害之也

成死者而賤生者也注惡

商人懷詐無道故成舍之君號以賤商人之所爲不解名者

言成君可知從成君不日者與卓子同

疏繁露精華云春秋

而受其死者申生奚齊卓子是也惡之中有己立之已殺之不得如他臣之弑君者齊公子商人是也故晉禍痛而齊禍重春秋傷痛而敦重是以奪晉子繼位之辭與齊子成君之號詳見之也○注惡商至所爲○正以己立之已殺之是懷詐無道也春秋貴信而賤詐故於商人尤賤之通義云後商人遭弑且爲責詞則成之爲君不於此正其君臣之分則嫌商人可有立道故正名之成舍爲君而見商人賤爲賊也按穀梁傳舍未踰年其曰君何也成舍之爲君所以重商人之

宋子哀來奔

弑也注舍不成君則殺者非弑也義亦同彼傳又云商人其
不以國氏何也不以嫌代嫌也注春秋以正治不正不以亂
平亂舍不宜立有不正之嫌商人專權有當國之嫌故不書
國氏明不以嫌相代是亦以舍立不正也已成舍為君商人
不以國氏其罪惡已見矣○注不解至子同○僖十年春晉
里克弑其君卓子注云不正過禍終始惡明故略之也正以
成君例書日此不日故與彼同通義云不日者弑未踰年君
正例也然此已成舍為君則不得同未踰年君例也不解名
者僖九年注連名者上不書葬子某弑君名未明也彼意以
恐人不知奚齊之名為是先君未葬稱子某似若子般子野
之屬為若被弑之故稱名似若諸兒卓子之屬故將名連弑
問之此不解稱舍之義以上言其君明從成君被弑之故也

宋子哀者何無聞焉爾疏

九經古義云公羊主內娶之說故以子哀為書字為無聞隱二年注

云春秋有改周受命之制孔子救時遠害又知秦將燔詩書
其說口授相傳至漢公羊氏及弟子胡毋生等乃始記于竹
帛故有所失也穀梁傳其曰子哀失之也疏引舊解
云失之者謂其未達稱子之意與公羊無聞之義同

冬單伯如齊齊人執單伯齊人執子叔姬

執者曷爲或稱行人或不稱行人注此問諸侯相執大夫所

稱例疏

穀梁傳注云單伯魯大夫按莊元年前有單伯逆王姬十四年有單伯會伐宋此或其後與○注此問至稱

例○事稱行人而執者以其事執也注以其所銜奉國事執具下

之晉人執行人叔孫舍是也疏

注以其至是也○見昭二十三年彼年正月叔孫舍如晉

公羊無傳其爲銜不稱行人而執者以已執也注已者已大奉國事至晉明也

夫自以大夫之罪執之分別之者罪惡各當歸其本疏

即此及莊

十七年齊人執鄭詹是也其僖四年齊人執陳袁濤塗雖爲國事然辟軍之道其罪由濤塗自致也○注分別至其本○校勘記云浦鐘云當各字誤倒穀梁傳曰齊人執單伯私罪也所謂罪惡當各歸其本也單伯之罪何道

淫也惡乎淫淫乎子叔姬注時子叔姬嫁當爲齊夫人使單

伯送之疏

校勘記出注乎云唐石經諸本同毛本乎誤于穀梁傳曰單伯淫于齊齊人執之齊人執子叔姬叔

姬同罪也○注時子至送之○公羊與穀梁同穀梁疏云單伯是天子命大夫魯人遣送叔姬未至而與之淫左氏以叔

桓為昭公妃單伯為天子大夫為魯請叔姬與公穀異然則曷為不言齊人執單伯及

子叔姬注据夫人婦姜繫公子遂疏注据夫至于遂宣元年遂以夫人婦姜至自

齊是也內辭也使若異罪然注深諱使若各自以他事見執者

不書叔姬歸于齊者深諱以起道注書單伯如齊者起送叔

姬也齊稱人者順諱文使若非伯計疏注深諱至執者○穀

人之術魯則失於遣使之宜故經不書叔姬歸于齊再舉齊

執之文者使若異罪然所以為諱也按內辭者為內諱辭也

魯不能教正其女致令注泆故深為諱○注不書至道注○

舊疏云欲決隱二年冬十月伯姬歸于紀之屬書歸也言深

諱者正以子叔姬有罪故也言以起道注者謂深諱不言其

歸即是以起道注之義何者若更為小事見執何須諱其歸

于齊今不言歸于齊而與單伯俱見執明其在道與單伯注

于歸事不醒醒矣或曰不書歸于齊者深諱其起道注故也

何者若言叔姬歸于齊齊人執單伯齊人執子叔姬即有道

淫之理也按或說亦通蓋正為魯諱道注何為又起之與○

注書單伯至姬也○不書叔姬歸于齊但書單伯如齊即書齊

人執單伯齊人執子叔姬則單伯送叔姬自見道注亦可見

所謂微而顯也。○注齊稱至伯討。○僖四年傳稱侯而執者伯討也。稱人而執者非伯討也。單伯叔姬有罪，嫌齊執為伯討，故稱人不以伯討與之。順諱文也。通義云：內大夫執例無罪，月有罪不月，雖有罪猶稱人以執者，內辭也不使伯討行乎我也。孔說亦可從。

十有五年春季孫行父如晉

三月宋司馬華孫來盟。注月者文公微弱，大夫秉政，宋亦蔽於

三世之黨。三亂結盟，故不與信辭，不稱使者，宋無大夫官舉

者，見宋亂也。錄華孫者，明惡二國，非以月惡華孫也。疏者，至

秉政。○泄盟來盟，皆時桓十四年夏，鄭伯使其弟語來盟，是

也。此月故解之。大夫秉政者，舊疏云：即公子遂是也。○注宋

亦至之黨。○上八年傳云：曷為皆官舉宋三世無大夫三世

內娶也。謂慈父王臣處曰也。彼注云：宋以內娶，故威勢下流

三世妃黨爭權相殺，是為人君之蔽也。○注三亂至信辭。○

校勘記云：三閭監毛本同誤也。鄂本三作二，當据正。此本三

字，刻改當本作二。舊疏云：春秋之例，凡莅盟來盟，例皆書時

欲見王者當以至信先于天下，故也是以桓十四年注云：時

以從內爲王義明王者當以至信先天下是也今而書月故
言不與信辭耳○注不稱至大夫○舊疏云止決鄭伯使其
弟語來盟之文矣宋無大夫者僖二十五年文七年八年皆
云宋三世無大夫三世內娶也○注官舉至孫也○通義云
承上官舉而復加名氏者來接乎內錄之也按大夫之義例
不官舉上八年書殺司馬司城來奔以官舉見宋之亂此亦
宜止官舉而詐錄華孫者正以見華孫無惡書月不書時專
以起宋亂故不與信辭也穀梁注范泰亦以錄名以存善惟
其解稱
官爲異

夏曹伯來朝

齊人歸公孫敖之喪

何以不言來

注

據齊人來歸子叔姬

疏

注據齊至叔姬○下

叔姬是也

內辭也脅我而歸之筭將而來也

注筭者竹篋一名編

輿齊魯以此名之曰筭將送也爲叔姬淫惡魯類故取其尸

置編輿中傳送而來脅脅令受之故諱不言來起其來有恥

不可言來也不月者不以恩錄與子叔姬異疏校勘記云舊
本閩本同監毛本我誤物○注筍者至曰筍○校勘記出以
此云閩監毛本同誤也鄂本蜀大字本此作北漢制考同當
据正按紹熙本亦作北九經古義云史記張陳列傳上使世
公持節問賈高復與前服虔曰復音編編竹木如今峻可以
冀除也韋昭音如頻反云如今與牀人與以行郭璞三倉解
詁云復舉土器音部典反按服虔云如今峻峻即筍也同物
同音小類云形如今之食與師古唐人豈識漢時復與諸說
唯服子慎與何邵公合蓋目擊之與耳食異也今按釋文云
筍音峻與服義合又引韋昭音如頻反通志本無反字是也
說文竹部筍竹與也峻與筍復古音通段氏玉裁注云公羊
史記說文與皆去聲亦作輦作輦又車部輦大車駕馬者也
段又云按左氏傳陳舂樹者土輦漢五行志作輦是樹乃
輦之或字也史記河渠書山行即橋一作機夏本紀正作機
漢書溝洫志作山行則樹輦昭曰樹木器如今輦牀人舉以
行也然則周禮輦之制四方如車之輿故曰輦或作輦或駕
馬或人舉皆宜用之徒土則謂之上輿即公羊之筍左氏之
輦與也用之昇人則謂之橋橋即漢書輿輦而越嶺之橋字
也禮經輶軸即輦字之異者注云輶狀如長牀是也然則筍
狀如輦但以竹爲之或馬引或人舉未可知耳通義云筍未
詳舊云取其尸置輿中教死已閱八月豈得尸猶可致此

明事之不然古者柳車上飾以竹爲池容得有筍名卽左氏所謂飾棺置諸堂阜者與劉氏寶楠愈愚錄云史記張耳傳上使泄公持節問之復輿前韋昭曰輿如今輿牀人舁以行章注輿上常有復字說文云復竹輿也是筍亦輿牀其制雖有竹木之異而爲今之輿無疑也从木則爲櫟爲柶從竹則爲筍爲復也漢書嚴助傳乘輿而踰頌服虔曰輿音橋梁謂爲筍爲復也臣瓚曰今竹輿車也江表作竹輿以行是也項昭曰陵絕水曰輿音旗廟反頌山領也不通船車運轉皆擔輿也師古曰服音輿說也是也項氏謬矣此直是以輿過領耳何云陵絕水乎如師古說是輿爲輿牀卽今之肩輿也按輿卽輿牀今山行亦用之其制如肩輿而稍短故韋以爲如今輿牀也櫟音近故本紀作輿櫟作輿亦短故韋以爲如今輿橋同南齊書薛淵傳淵從駕乘輿橋先是救羌橋不得入爲有司所奏免官見原虜橋卽虜橋此古稱之僅存者今按作輿作輿作橋音義展轉相通謂如今之肩輿或竹或木或有帷無帷其制率相似唯此傳符不得以肩輿目之無論敷死已數月卽甫死之尸亦無載以肩輿之禮當如史記注服韋郭三家之說或如拱牀若長牀人舁以行者筍字从竹當以竹爲之或兼用木非生人所具也惠孔二家說近是俞氏樾曰公孫敖之死至此已閱八月豈其尸猶可置之編輿中何解非也今按筍者以橫木縣其板使人舁之也其名蓋起於筍虞之筍攷工記梓人爲筍虞鄭注樂器所縣橫曰

荀從曰虞凡事理之相近者名即相通樹木以縣鐘鼓謂之
荀故橫木以縣棺亦謂之荀試比類以求之牀前橫木謂之
杠說文木部杠牀前橫木也而橫木以渡水亦謂之杠孟子
離婁篇十一月徒杠成是也車前橫木謂之局宣十二年左
傳服注局車前橫木也而橫木舉鼎亦謂之局士冠禮設局
鼎是也皆其例矣釋文荀音峻史記張陳列傳上使世公持
節問貫高復與前服曰復音編編竹木如今峻可以冀除也
陸氏音荀為峻蓋本服氏之說夫復與不妨亦有荀名然敖
死已久而猶得於復與尸傳致其尸萬無是理釋名釋樂器
曰荀峻也是荀虞之荀亦可讀如峻矣○注將送也○爾雅
釋言文詩抑風燕燕云遠于將之箋云將亦送也○注為叔
至來也○禮記曲禮云在牀曰尸注尸陳也言形體在白虎
通崩薨篇失氣亡神形體獨陳是也按敖死已閱八月誠如
孔氏所說豈得尸猶可致蓋尸柩古通名左傳隱元年云贈
死不及尸杜云尸未葬之通稱蓋即取敖柩置編輿中傳送
而來也舊晉令受故諱不言來通義云本送柩于竟上迫魯
使受非有使來故不言來猶言歸公孫敖之喪若以禮歸之
為辭爾是也○注不月至姬異○下十有二月齊人來歸子
叔姬書月此不月故解之正以棄歸之例無罪者
月叔姬雖有罪推閔之意猶恩錄之與無罪等也

六月辛丑朔日有食之鼓用牲于社注是後楚人滅庸宋人弑

其君處曰齊人弑其君商人宣公弑子赤莒弑其君庶其疏

注是後至庶其○舊疏云楚人滅庸卽下十六年楚人秦人
巴人滅庸也宋人弑其君處曰見下十六年冬齊人弑其君
商人見下十八年夏五月宣公弑子赤十八年冬子卒傳云
子者孰謂謂子赤也何以不日隱之也何隱爾弑也莒弑其
君庶其在下十八年冬漢書五行志云文公十五年六月辛
丑朔日有食之董仲舒劉向以爲後宋齊莒晉鄭八年之間
五君殺死夷滅舒蓼劉歆以爲四月二日魯衛分包氏慎言
云六月書辛丑朔日有食之据歷辛丑六月之二日非朔也
同劉歆說也

單伯至自齊注

大夫不致此致者喜患禍解也不省去氏者淫

當絕使若他單伯至也疏

注大夫至解也○舊疏云正以內

至至也○舊疏云正以昭十四年春隱如至自晉彼是被執
而歸省去氏今單伯存氏故解之包氏慎言云絕者謂絕不
使爲大夫諸侯不得專殺大夫但得放棄之賜玦不反也故
云使若異單伯至單伯淫而絕則叔術之妻嫂竊國論其絕
也必矣公羊以其讓國之功除其前之淫罪蓋論人君與士
大夫異科君與國爲體有功于國其餘小過則略之故齊桓

之姊妹不嫁晉文之納懷嬴春秋皆不之責焉以其拯生民之功大也叔術妻嫂之罪宜絕而其見幾能作舉國授之夏父免數世爭篡之禍以隱桓之事衡之則術之當幾立斷而不受辱其智為不可及矣故春秋即其絕于邾婁者通其子孫於天下功罪並見言如叔術者乃可免於誅其子孫乃可不以先人為辱耳聖人目覩時變舉一叔術為鑑非惡叔術也以為先人如此而不免於誅則誅之不勝誅矣解詁箋云命大夫故不名去單言伯則不辭通義云莊元年之單伯未見錄卒則此仍是一人與桓十五年家父上距幽王之世家父作誦年數亦略相等古人多壽考以詩證此可無疑也自後遂不錄卒者蓋以道淫罪重故也按家父之是否一人亦未可定計莊元年至此八十三年莊元年已能奉使逆王姬亦須二十而冠後則應一百餘矣至此尚在而能如齊且道淫叔姬此必無之理其非一人可知其書單伯至自齊應仍是順諱文使若單伯以他事如齊今未歸也

晉卻缺帥師伐蔡戊申入蔡疏

包氏慎言云六月又書戊申月之九日也

人不言伐此其言伐何至之日也其日何注据甲寅齊人伐

衛日伐也疏

莊十年傳云戰不言伐圍不言戰入不言圍此人而言伐故弟子据而為難通義云晉強而蔡

無備至日即入其國也。○注据甲至伐也。○莊至之日也。注

嫌至日伐不至日入故曰入也。主書與甲寅同義疏。通義云

至日入意未顯。○注嫌至至入也。○正以若不書日在人蔡

上嫌至日伐不至日入也。○注主書至同義。○即彼傳云伐

不日此何以日至之日也。注用兵之道當先至竟侵責之不

服乃伐之。今日至便以今日伐之。故曰以起其暴也。此與甲

寅同義。蓋亦以御缺。今日至便以今日入。故書日以起其暴

也。校勘記出故曰入也。云鄂本同。蓋誤闕。監毛本作日。穀梁

疏以伐入兩舉為伐而不及入日非。

季孫行父如晉

冬十有一月諸侯盟于扈。注不序不日者順上諱文使若扈之

盟都不可得而知疏。注不序至而知。○上七年秋八月公會

序大夫何以不名公失序也。公失序奈何諸侯不可使與公

盟。朕晉大夫使與公盟也。注文公為諸侯所賤薄不見序故

深諱爲不可知之辭不日者順諱爲善文也然則此若序若日則七年之諱見而恥著故仍順上諱文不日不序作爲不可得知之辭也通義云諸侯不序者爲前扈之盟故也春秋有錄內而略外無略內而錄外公會猶不序公不會而序則慎矣不日者明不序意非以諸侯不信而略之

十有二月齊人來歸子叔姬

其言來何注

据齊人歸公孫敖之喪不言來

疏

注齊人至言來見上

閔之也

注

閔傷其棄絕來歸

疏

通義云故猶從大歸曰來歸之文但繫齊人爲別異耳無

罪痛之曰隱有此有罪何閔爾

父母之於子雖有罪猶若其罪痛之曰閔

不欲服罪然注

孔子曰父爲子隱子爲父隱直在其中矣所以崇父子之親也言齊人不以棄歸爲文者令與敖同文相

發明叔姬于文公爲姊妹言父母者時文公母在明孝子當

申母恩也月者閔錄之從無罪例疏

穀梁傳曰其言來歸何

疏

也父母之於子雖有罪

欲其免也。注：凱曰：書來歸，是見出之辭，有罪之人猶與貴稱書之曰：子者，蓋父母之恩，欲免罪也。以彼傳云：其曰：子叔姬貴之也，故也。注：孔子至親也。見論語：子路篇：白虎通五行云：父為子隱，何法？法水逃金也。鹽鐵論：周秦篇云：父母之於子，雖有罪，且匿之，豈不欲服罪爾？子為父隱，父為子隱，未聞父子之相坐也。按：今律有親屬相為容隱條，凡同居若大功以上親，有罪相為容隱，皆勿論。亦此義也。春秋決事云：春秋之義，父為子隱，子為父隱，甲宜匿乙，是也。舊疏：即言來以閔之是也。注：言齊至發明。○校勘記：出令與云：鄂本、宋本、閔本同。監毛本令作今。舊疏云：若以棄歸為文，即言子叔姬來歸，不言齊人，即宣十六年鄭伯姬來歸之文，是今言齊人來歸，故謂之同文也。言相發明者，言敖為齊所惡而來歸之。此亦為齊人所歸之故。曰：相發明耳。按：公孫敖言歸子叔姬，言來歸而曰同文者，書來與否，內錄辭其為齊人歸者，同也。知亦為齊人所惡，故相發明也。注：叔姬至恩也。○上四年始逆婦姜于齊，知不得有女出適，故以為文公姊妹。下十六年，夫人姜氏薨，十七年葬我小君聖姜，傳聖姜者，何文公之母也。是時文公母在也。通義云：子叔姬，文公姊妹，而以父母言之者，為內明義孝子當緣父母意恩閔之也。為人子者，適於春秋，則能以父母之心愛其昆弟姊妹而友弟之道行乎天下矣。○注：月者，至罪例。○舊疏云：正以棄歸之例有罪者，時宣十六年秋，鄭伯姬來歸，是也。無罪者，月成五年春，王

正月祀叔姬不歸之屬是也通義云凡來歸無罪時有罪月
子叔姬有罪矣而猶若不欲其服罪者春秋有以義治有以
恩治恩不本義私恩也義不本恩亦非公義也雖有法度不
足以一天下天下惟情出於一故義者必因人之情而爲之
制君臣以義合者也然而曾子曰孝子善事君子思子曰不
信乎朋友不獲乎上矣良以父子天性猶不致其愛朋友等
夷猶不得其睦將於君乎何有故春秋葬原仲無譏而子叔
姬之罪不盡其辭焉蓋於季子見朋友之至於子叔姬見兄
弟之至按孔氏之論甚洽惟以有罪月無罪日與注反不若
仍從注義鄭伯姬杞叔姬事皆無考罪之有無原無自知然
此經既恩閔之固宜從無罪月卽以詳略分也
無罪也蓋有罪時無罪月卽以詳略分也

齊侯侵我西鄙遂伐曹入其郭

郭者何恢郭也

注恢大也郭城外大郭

疏

注恢大也○說文

經音義引字林云恢大也又引蒼頡篇恢亦大也楚辭守志
云配稷契兮恢唐功注恢大也亦作恢廣雅釋詁云恢大也
是也○注郭城外大郭○管子度地篇城郭外爲之郭釋名釋
宮室郭郭也廓落在城外也意林引風俗通云郭大也又華
嚴經音義引風俗通云郭之爲言廓玉篇引白虎通云郭之
爲言廓也大也詩大雅皇矣增其式廓釋文本作郭爾雅釋

詰廓大也沈氏彤周官祿田考云王城郭之所占幾何曰匠人營國方九里爲井八十一爲夫七百二十九逸周書作雒篇城方千六百二十丈按百八十丈爲一里其丈數易里數正相符郭之大者爲郭作雒篇曰郭方七十里則爲井四千九百爲夫四萬四千一百其下云南繁洛水北因郊山則郭大小蓋因地勢異乎城之有定數也由王之城遞推之公城方七里侯伯城方五里子男城方三里三公之都視諸男城亦如之當爲井九爲夫八十一以差而下卿之城當方一里旁各加五分里之二爲井三爲夫二十七強大夫之城當方一里爲井一爲夫九也祭仲之論都城云大都不過參國之一中五之一小九之一蓋圻內外通行之郭所占皆無考以孟子國策三里之城七里之郭推之則郭之夫數當四倍于城強人郭書乎曰不書疏舊疏云按諸舊本此傳之下悉皆也無注有注云圍不言入入郭是也

者衍字耳通義云傳言楚子勝平皇門經但書圍鄭是也若旁徵左傳則隱五年鄭伐宋入其郭襄元年晉伐鄭入其郭經皆不入郭不書此何以書動我也注諱使若爲同姓見入郭故動懼我也動我者何內辭也其實我動焉爾注齊侵魯魯實爲子叔姬故動懼失操云爾鄉者不去幾亦入我郭故

舉入邪以起魯恥且明兵之所鄉苟得其罪則莫敢不懼疏

通義云我數被齊兵聞其入曹邪恐懼震動故書以見文公微弱甚也

十有六年春季孫行父會齊侯于陽穀齊侯弗及盟

其言弗及盟何注据序上會也連盟何者嫌据盟疏注据序

○舊疏云据序上會何得弗及盟乎是以問之嫌据盟者嫌直据盟問之通義云据鄭伯言逃歸不盟按與彼不相比附

無為据不見與盟也注與齊期盟為叔姬故中見簡賤不見之也

與盟侮辱有恥故諱使若行父會而去齊侯不及得與盟故

言齊侯弗及亦所以起齊侯不肯疏注與齊至與盟○舊疏

陽穀訖即棄之而去齊侯不及盟傳言不見與盟必為中見簡賤受侮有恥故經諱其辭也○注亦所至不肯○舊疏云

若直言不及盟文體已具足見不得盟矣而更言齊侯不及何欲道是時不肯盟者是齊侯也若直言季孫行父會齊侯

于陽穀不及盟不妨行父不及無以見齊侯不肯矣按左傳

公有疾使季文子會齊侯于陽穀請盟齊侯不肯曰請侯君

間是亦以齊侯不肯也但不以為子叔姬耳
通義云齊侯不肯盟也弗及者言齊弗汲汲

夏五月公四不視朔注視朔說在六年不奉不朝廟者禮月終

于廟先受朝政乃朝明王教尊也朝廟禮也故以不視朔為

重常以朔者始重也疏注視朔說在六年。上六年注云禮

祖廟每月朔朝廟使大夫南面奉天子命君北面而受之是

也。○注不舉至為重。校勘記出于廟先受朝政云鄂本朝

作朔此誤又出朝廟禮也云鄂本禮作私此誤因形相近也

閩監毛本改作禮又出故以不視朔云鄂本作故不以非是

上六年云閏月不告月猶朝于廟此不舉不朝廟故解之視

朔重於朝廟舉以該輕也明皆不舉也。○注常以至重也。○

校勘記云諸本同誤倒鄂本作重始當据正此本疏標起訖

云注常以至始也則本作重始舊疏云言十二月之政令所

以不在年初一受之而已必以月
之期日受之者重月之始故也

公曷為四不視朔注据無事也疏注据無事也。○正以此經

之事公有疾也注以不諱舉公如有疾公有疾乃復舉公是

也疏

左傳亦云公四不視朔疾也。注以不至有疾。校勘記出如有疾云。鄧本如作知。此誤。按穀梁傳天子告朔

于諸侯諸侯受乎廟。廟禮也。公四不視朔。公不臣也。以公為

厭政以甚矣。則不視朔。大惡也。春秋宜為諱。今不諱。舉公故

昭二十三年公如晉至河

公如晉至河

公如晉至河

公如晉至河

公如晉至河

昭二十三年公如晉至河

昭二十三年公如晉至河

昭二十三年公如晉至河

昭二十三年公如晉至河

昭二十三年公如晉至河

昭二十三年公如晉至河

昭二十三年公如晉至河

昭二十三年公如晉至河

昭二十三年公如晉至河

昭二十三年公如晉至河

昭二十三年公如晉至河

昭二十三年公如晉至河

言也無疾不可言也注言無疾大惡不可言也是後公不復

視朝政事委任公子遂疏注言無至言也○通義云內大惡

不視
朔也

六月戊辰公子遂及齊侯盟于犀丘左氏作鄆丘穀梁作師

勘記云唐石經諸本同解云正本作鄆丘穀梁作師

舊丘穀梁音義亦云公羊作犀丘則唐以來本不作舊字矣公

羊疏唐以前人爲之所據皆晉宋古書故猶見正本與賈景

伯合也水經注潁水篇細水又東南逕宋縣故城北縣所謂

鄆丘者也秦伐魏取鄆丘謂是邑矣杜云鄆丘齊地大事表

云當在今泰安府東阿縣境說文邑部鄆丘齊地大事表

志同續漢志曰汝南郡宋公國周名鄆丘漢改爲新鄆章帝

建初四年徙宋公於此段氏王裁云魏世家安釐王十一年

秦拔我鄆丘是其地今安徽潁州府城八里有城故新鄆城

也方輿紀要新鄆城在潁州東八里有土阜屹然高大謂之

鄆城按公子遂會齊侯之地當从杜說顧氏棟高本之故公

羊正本作舊丘也後人見左氏作鄆丘因以汝南地當之彼

別一地也穀梁作師者漢書何奴傳黃金犀比趙策作師比

公羊義疏四十三

二

蓋舊序鄭師無一定也包氏慎言云六月書戊辰月之六日

秋八月辛未夫人姜氏薨疏包氏慎言云八月

毀泉臺

泉臺者何耶臺也注莊公所築臺于耶以耶譏臨民之漱浣

疏注莊公至漱浣○莊二十一年築臺于耶傳何以書譏何

此日泉臺耶臺則曷為謂之泉臺未成為耶臺注未成時但

應是一地以地名之疏謂莊三十一年既成為泉臺注既成更以所置

名之疏謂此名泉毀泉臺何以書譏何譏爾築之譏毀之譏

疏通義云各有譏義故築毀兩書先祖為之已毀之不如勿

居而已矣注但當勿居令自毀壞不當故毀暴揚先祖之惡

也築毀譏同知例皆時疏穀梁傳曰自古為之今毀之不如勿處而已矣○注但當至惡也○

後漢書楊終傳魯文公毀泉臺春秋譏之曰先祖為之而已
毀之不如勿居而已矣以其無妨害於民也不若何氏義切
○注築毀至皆時○舊疏云知例皆時者
正以此經文承月下恐蒙月故如此解

楚人秦人巴人滅庸疏

水經注江水篇又東北至巴郡江州縣

巴子使韓服告于楚請與鄧為好是也杜云庸今上庸縣屬
楚之小國大事表云今湖廣鄧陽府竹山縣東四十里有上
庸故城為庸國地當四川陝西湖廣三省之交界說文邑部
鄔南夷國段注牧誓有庸蜀二志漢中郡皆有上庸縣今湖
北鄖陽府竹山縣東四十里有故上庸城尚書庸地在漢水
之南南至江尚遠偽孔傳云在江南非也按僖二年傳為
使虞首惡注據楚人巴人滅庸不使巴首惡然則此楚秦之
滅庸蓋巴人道之與虞同矣此無傳何氏當別有所見也左
傳亦不見
巴首惡事

冬十有一月宋人弑其君處曰疏

左氏殺梁作杵曰史記宋世

二年陳侯名亦作處
曰杵正字處假借也

弑君者曷為或稱名氏或不稱名氏疏

稱名氏者隱四年衛
州吁弑其君完桓二

年宋華督弑其君與夷之屬是也不稱名氏者大夫弑君稱此及下十八年齊人弑其君商人之屬是也

名氏賤者窮諸人注賤者謂士也士正自當稱人疏注賤者至解人

○繁露順命云無名姓號氏於天地之間至賤乎賤者也又云其卑至賤冥冥其無下矣惠氏士奇春秋說云宋人弑其君杵臼杵曰者宋昭公弑昭公者乃其君祖母王姬使帥甸攻而殺之古乘與甸通周禮稍人掌五乘之政帥甸猶帥乘是時昭公田孟諸故襄夫人使稍人帥乘攻而殺之乃士謂之賤可以君祖母之尊又王姬之貴號令於其國國人莫敢不從謂之賤不可也自古婦人不與國政婦人而與國政未有不亡國敗家者也宋平公殺其子可直斥宋公襄夫人殺其孫不可直斥君祖母則名不正言不順辭窮故稱人以賤之以君祖母王姬之尊且貴而與賤者同辭此春秋之特筆後世君母臨朝擅廢置其君者當以春秋為鑒焉按窮者極也大夫弑君其賤係於降稱人人者士之正稱若闕弑吳子餘祭盜殺蔡侯申則又不在大夫士之科矣繁露大夫相又云皆絕骨肉之屬離人倫謂之闕盜而已是也

殺稱人賤者窮諸盜注降大夫使稱人降士使稱盜者所以

別死刑有輕重也無尊上非聖人不孝者斬首崇之無營上

犯軍法者斬要殺人者刳脰故重者錄輕者略也不日者內

娶略賤之疏先自稱人本於此下有注云賤者窮諸人者言士

者窮諸盜者言士之賤名不過于盜故也共四十二字在降

大夫使觸人之上鄂本注無之係疏文誤入十行本繫此四

十二字於上錢泉臺傳疏故如此解下亦誤詩小雅巧言云

君子信盜箋云盜謂小人也春秋傳曰賤者窮諸盜正義傳

言窮者盡也弑君則盡於稱人殺大夫則盡於稱盜言盡此

以下更無稱也○注降大至重也○注意大夫弑君稱名氏

賤者則降同士稱人大夫相殺稱人賤者則降同士稱盜也

以大夫已降稱人故士降稱盜也○注無尊至刳脰○校勘

記出刳脰云鄂本同閭監毛本脰改頭按釋文作頭云如字

本又作脰音豆九經古義云無尊上漢律所云罔上不道也

非聖人漢律所云非聖無法也不孝者商書曰刑三百罪莫

大於不孝見呂覽孝經云五刑之屬三千罪莫大於不孝風

俗通曰賊之大者有惡逆焉決斷不違時見赦不免又有不

孝之罪並稱十惡之條斬首梟之者梟當作梟玉篇云買侍

中說景謂斷首倒縣也野王謂縣首於木竿頭以肆大梟秦

刑也云無營上犯軍法者陳羣新律序云殷律有乏軍之典

及舊典有奉詔不謹不承用詔書漢氏施行有小愆之反不

如令輒劾以不承用詔書乏軍要斬胡建案軍法曰正法屬

將軍將軍有罪以問二千石以下行法焉云殺人刎頭者高祖約法三章所謂殺人者刑焉何氏所據皆本漢律漢律已亡舉其大略如此耳公羊問答問此何代之法也曰說文累不孝鳥也故日至捕梟磔之从梟頭在木上梟首義取此左傳叔孫昭子殺豎牛投其首於甯風棘上梟首蓋鵬於此後世如漢王入關梟故秦王欣頭於櫟陽市是也五行志曰趙人新垣平以望氣得幸於上上立渭陽五帝廟欲出周鼎夏四月郊見上帝歲餘懼誅謀為逆發覺要斬夷三族高祖本紀初入關約法三章曰殺人者死博雅列斷也一切經音義自刎注引公羊傳云公遂勿脰而死何休曰刎割也何氏所據皆戰國以來秦漢之法非先王之舊制也解詁箋曰傳有誅絕之例易有焚如之象周官有辜之之制此所謂死刑有輕重也梟首斬要秦法耳按易離九四突如其來如焚如死如棄如說文引易曰突如其來如不孝子突出不容於內也又云去不順忽出也或从𤔁倒古文學即易突字考索正梟首之象與不孝者斬梟合漢書匈奴傳云王莽作焚如之刑則又依周禮掌戮凡殺其親者焚之而作此刑者也○注故重至略也○傳疏云謂大夫弑君罪重故稱名氏責之深若大夫相殺罪輕于犯君故降稱盜者義之輕重然也義或然也○注不日至賤之○通義云不日者從失德之君不日卒例也按內娶亦失德之一也義與上七年王臣卒同

十有七年春晉人衛人陳人鄭人伐宋疏通義云討弑君不月者無功不得從義兵

錄

夏四月癸亥葬我小君聖姜

聖姜者何文公之母也疏包氏慎言云四月書癸亥月之五日聖姜二傳作聲姜

齊侯伐我西鄙

六月癸未公及齊侯盟于穀疏包氏慎言云六月書癸未月之二十六日

諸侯會于扈疏通義云復不序者為前扈盟公失序故終文之篇不序按穀梁傳范云言諸侯者義與上十五

同年

秋公至自穀疏通義云穀內地前所取諸齊者莊六年注云公與一國出會盟得意致地不得意不致按此後

齊未來伐明得意也

冬公子遂如齊疏校勘記出公子遂如齊云唐石經鄂本上有冬字此脫

十有八年春王二月丁丑公薨于臺下

疏包氏慎言云二月書丁丑月之二十四日

穀梁傳云臺

下非正也

秦伯營卒注秦穆公也至此卒者因其賢

疏通義本作嬰音義嬰舊同左氏經作

營茲從昭公五年注校改○注秦穆至其賢○舊疏云正以秦是戎狄春秋外之往前以來未錄其卒今乃始書故以賢解之而左氏為康公者與此別穀梁無解通義云秦康公也至是卒猶不葬者春秋伯子男為一故從小國例也賢穆公未見卒者及康公之世始有恩禮于內得恩錄之按如傳義則使遂來聘之秦伯仍是穆公孔氏据左氏改公羊可以不必解詰箋云秦穆公子康公也至此卒者因穆公之賢且此接內也考左氏及太史公紀表書皆以穆公卒於魯文公六年春秋終穆公世未嘗接魯文九年歸謚十二年使遂來聘皆康公也傳以為賢穆公能變追其先言之猶吳子使札踊賢季子皆從接內見也穆公之卒反不得如滕侯卒之例先書於經者詩刺穆公以人從死未能盡變其俗不可為典且嫌於僅以康公接內錄能變之賢反不著也何君失經傳矣按劉說非是賢穆公能變何為賢於康公之世不得援善善及子孫為說吳札自以賢札上推吳子所謂以季子為臣則宜有君者也與此亦不相比附滕侯以先朝新王得褒亦不

得引以為例秦俗用人殉葬延及始皇猶未變革何知康公能變其俗況康公如賢自宜不從亂命乃以康公之失近削穆公之卒殊失經旨要之說公羊止可以公羊為主公羊既以善變美秦伯則以十二年之秦伯仍穆公明甚不必牽合左氏史記為調人也

夏五月戊戌齊人弑其君商人注商人弑君賊復見者與大夫

異齊人已君事之殺之宜當坐弑君疏包氏慎言云五月書

義云謹案左傳弑之者公僕師敗與其驂乘閭職是賤者稱人例也商人篡不去日處曰去日者商人罪已前見宋昭無

道未有見也又纂明當葬知不葬懿公者亦從不討賊例按孔說是也何云齊人以君事之當坐弑君故亦責臣子以不

討賊也○注商人至弑君○校勘記云齊人已君事之殺之且當坐弑君問監毛本同郭本且作宜當據正疏已作以且

亦作宜古已以通宣六年晉趙盾衛孫免帥師侵陳傳趙盾弑君賊此其復見何注宋督鄭歸生齊崔杼弑其君後不復

見今此商人於上十四年弑其君舍今而復見故解之正以春秋之義弑君之賊皆不復見以宜在誅絕之科商人自立

為君齊之臣民已君矣君臣名分已定故今宜坐弑君之罪與齊人殺無知衛人州吁殊也且又見商人弑君舉國

不討書以責臣子也莊二十二年肆大省注不與念母而讒
忌省者本不事母則已不當忌省猶爲商人責不討賊意亦
謂商人弑君臣子宜討既覲然事之
則宜成其爲君今而弑之當坐職也

六月癸酉葬我君文公疏包氏慎言云六月書
癸酉月之二十二日

秋公子遂叔孫得臣如齊注不舉重者譏魯猥使二大夫出虛

國家廢政事重錄內也疏注不舉至內也○毛本二誤五舊
疏云書事舉重春秋之常今而悉

舉故解之穀梁傳曰使舉上客而不解介不正其同倫而相
爲介故列而數之也者亦是古舉重之義也又云外大夫未

有並見者於內唯有此經及定六年季孫斯仲孫何忌如晉
之文故知正是重錄內也正以出聘宜卿爲使大夫爲介今

二卿並出虛國家廢政事以卿位大責重政事是出故也通
義云遂謀弑赤而請于齊赤母本齊大夫女非正君甥故未

見也而使舉上客而不舉介獨此列數之者善得臣之黨于
遂而與聞乎弑也與後不日卒相起其罪乃顯義各然也解

詰箋云不舉重者著得臣之與聞乎弑也子赤弑而季孫行父如齊謀
宣公如齊許賂非子赤使之也子赤弑而季孫行父如齊謀

定宣公也遂主謀故于卒也去公子得臣與聞故于卒也去
日以明首從分別輕重也行父不與聞故從口卒正文接行

父不討賊復如齊定宣公不得謂無罪春秋蓋以行父雖卿非當國之臣政在公子遂或量力不責之與

冬十月子卒

子卒者孰謂謂子赤也疏

通義云既葬不名

何以不曰注

据子般卒

日疏

注据子般卒日○即莊三十二年書冬十月乙未子般卒是也

隱之也疏

繁露楚莊王篇子赤殺弗

忍言日痛其禍也

何隱爾弑也疏

釋文弑作殺音試下及注同今本亦誤作弑

弑則何以

不曰注

据子般卒日

疏

注据子般卒日○以子般亦被弑而日故据以難

不忍言也

注所聞世臣子恩痛王父深厚故不忍言其日與子般異疏

注所聞至般異○舊疏云正以子般為所傳聞之世故也莊三十二年注殺不去日見隱者降子赤也繁露楚莊王云子

般殺而書乙未殺其恩也與此注文相足隱元年注所聞者謂文宣成襄王父時事也所傳聞者謂隱桓莊閔僖高祖會

祖時事也於所聞之世王父之臣恩少殺於所傳聞世高祖曾祖之臣恩淺是所聞世恩深於所傳聞世故子般忍言其

日而子赤不忍也通義云世近則恩益隆故隱之益深繁露又云屈伸之志詳略之文皆應之是也穀梁傳云子卒不日

故也穀梁不傳
三世之義故也

夫人姜氏歸于齊注歸者大歸也夫死子殺賊人立無所歸留

故去也有去道書者重絕不復反疏注歸者大歸也○左傳

也詩邶風燕燕衛莊姜送歸安也箋莊公薨完立而州吁殺

之戴嬀於是大歸其事與哀姜大同亦夫死子弑賊人立時

州吁未討也以歸甯有時而反此即歸不復來故謂之大歸

莊二十七年傳大歸曰來歸是也彼為內女設例故有來也

○注夫死至去也○鄂本殺作弑紹熙本同當据正史記魯

世家云文公有二妃長妃齊女哀姜生子惡及視次妃敬嬴

嬖愛生子倭倭私事襄仲襄仲欲立之叔仲曰不可襄仲請

齊惠公惠公新立欲親魯許之冬十月襄仲殺子惡及視而

立倭哀姜歸齊哭而過市曰天乎襄仲為不道殺適立庶市

人皆哭魯人謂之哀姜左傳亦云文公二妃敬嬴生宣公敬

嬴嬖而私事襄仲宣公長而屬諸襄仲襄仲欲立之叔仲不

可仲見于齊侯而請之齊侯新立而欲親魯許之冬十月仲

殺惡及視而立宣公夫人姜氏歸于齊將行哭而過市曰天

乎仲為不道殺適立庶市人皆哭魯人謂之哀姜穀梁傳夫

人姜氏歸于齊惡宣公也注姜氏于赤之母其子被殺故大

歸也又曰有不待貶絕而罪惡見者注引泰曰直書姜氏之

歸則宣公罪惡不貶而自見此注云賊人立無所歸留明宣
公不能事也○注有去至復反○舊疏云正以常事不書故
也按莊二十七年大歸注大歸者廢棄來歸也哀姜不在七
棄之科然大死從子子弑賊立義無可從故有去道也書者
重其事也卻覽引春秋決事云甲夫乙將船會海盛風船沒
溺流死亡不得葬四月甲母丙即嫁甲欲皆何法或曰甲夫
死未葬法無許嫁以私為人妻當弃市議曰臣愚以為春秋
之義言夫人歸于齊言夫死無男有更嫁之道也婦人無專
制擅恣之行聽從為順嫁之者歸也甲又尊者所嫁無淫之
心非私為人妻也明於決事皆無罪不當坐按董生特以夫
人姜氏可以如齊以例夫死無子者可以更嫁非謂夫人姜
氏更嫁也婦人無專制故今律凡婚娶有違者皆罪坐主昏
也解詁箋云不日者
無與別有罪無罪

季孫行父如齊疏

春秋說云子卒季孫行父如齊明弑子赤者

仲不可不可者獨叔仲一人耳故身死而名不顯季孫行父
魯之正卿也亦如叔仲以為不可則子赤焉得弑宣公焉得
立及襄仲死宣公薨行父有憾於歸父乃以殺適立庶歸罪
襄仲賊宣叔怒曰當其時不能治也則行父當時既知其情
兼與其事明矣按惠說是也蓋此亦
所謂不待貶絕而罪惡自見者與

莒弑其君庶其

稱國以弑何

注

据莒人弑其君密州

疏

注据莒至密州。○即襄三十一年莒人弑

其君密州是也

稱國以弑者眾弑君之辭

注

一人弑君國中人人盡

喜故舉國以明失眾當坐絕也例皆時者略之也

疏

注一人

○左傳載釋例引劉賈許穎以為君惡及國朝則稱國以弑
君惡及國人則稱人以弑按天之立君以為民也故失眾當
絕惡及國朝不知何指若以為惡及卿大夫則稱國以見君
罪非春秋尊尊之旨也穀梁傳注傳例曰稱國以弑其君君
惡甚矣是也疏引舊解稱國者謂惡及國人并惡及卿大夫
稱人者謂失心於民庶也乃涉於賈逵之說○注例皆至之
也○通義云所當蒙上月其不日者從小國始見卒例舊疏
云謂失眾而稱國以弑者皆書時以略之即定三十年冬薛
弑其君比之屬是也昭二十七年夏四月災弑其君僚者亦
是稱國而書月者彼非失眾是以何氏云不書閭閻弑其君
者為季子諱明季子不忍父子兄弟自相弑讓國閭閻欲共
享之故為沒其罪也月者非失眾見弑故不略之者是也按
何義甚明不必如孔說

皇清經解續編卷千二百三十一終

子汝恭校字
昭文孫同康參校